

慶雲縣志

第叁冊

烈女志  
風土志



慶雲縣志卷之三

烈女志第八

賢淑

宋胡淑修李之儀妻尚書右丞胡宿女也讀書善屬文嘉祐中從其祖母至內廷光獻皇后拊之曰是胡氏有學能文之女乎儀母死淑修躬自負土封穴哭泣不輟手植松柏遂成茂林

清李雲岑字秋卿邑廣文陳寶笏之室母家奉天正藍旗漢軍父某官河間司馬生女三皆能詩而雲岑尤著情深韻遠諸體俱備積成卷軸者若干閨閣中一作家也吟咏之外朝夕拜佛夫沒後晚年衣食莫支巨室家以二百金聘作女師非其志也



終身僑居他鄉故邑之士大夫無知者然其人不可沒固不等  
借才於異地也

劉氏武生金榮女死難守備揮之女弟也幼字陳某家貧甚女  
及笄陳客於外久無耗女之家亦貧年且三十陳母憐之傳語  
其父俾改字女聞之忿然曰如有他議吾當自刃事遽止後或  
以言動之輒掩耳而走自是無復言改字者父兄俱沒年四十  
三猶依母居後陳自外至始賦于歸焉

崔氏雲南觀察光笏之季女賦性沈靜自幼如成人年十二許  
字南皮張之澄踰兩歲而張卒女聞之色變輒欲往守義舉家  
勸止之自此形如枯木絕無言笑有欲再通媒妁者即晝夜哭

泣以是抑鬱成病而卒年十八歲家人哀之商於婿家歸其柩於張而合葬以成其志從兄路常為作傳以傳其事

紀氏千總王印堂之妻武孝廉紀蘭桂之孫女武庠生葆恒之女也性淑慎夫早卒事舅姑至孝光緒二年大饑舅翁殿甲因放賑積勞病甚危乃親赴城隍廟禱於神願減己算三十年以增翁壽果效及舅八旬復病奉侍湯藥晨昏無間舅歿子幼葬姑與夫悉中古禮制家有條外內敬服婚不能娶者周之粟喪不能葬者濟之財處鄉里戚鄰泯親疎貧富之見每有稱貸輒豐出平入每有公益無不慨為助捐甲寅夏聞藤溪馬公倡修邑志遣子蔚深捐送洋十元以資局費其溫惠淑慎樂善好施

略可概見閩幃女流誠不多覯晚年子孫繩繩恪遵家範親友  
或勸為旌表氏輒遜謝不遑慈祥謙和鄉人益欽敬之  
以下係陳孺人

貞烈

明翟氏生員杜時雍之妻年二十二歲正德六年流賊楊虎破  
城欲辱之翟抱幼子罵不輟聲賊怒殺之邑令蔡維藩以聞表  
曰貞節

陳鈔存邑民陳宗禮之女年十七歲流賊破城女被擄罵賊不  
從賊怒以刀刺之死邑令蔡維藩以聞表曰貞烈

鄭氏谷全之妻流賊破城被擄罵賊不從賊怒磔之當時遺佚  
未蒙旌表

姜氏邑民姜偉之女賦性幽閒幼字馬斯臧斯臧天資穎拔年十三補博士弟子員及長姜于歸未幾斯臧邁疾姜侍湯藥備極艱辛斯臧卒姜一慟伏地氣絕復甦哭泣之聲里人哀之至葬扶輶悲號以身據棺躍入坎中其姑扶掖以歸自是不復櫛沐飲食俱忘值清明姜白於姑欲躬祭墓許之令斯臧妹偕往至墓姜給其妹曰燎紙用薪可往採之妹行姜遂縊於墓樹時嘉靖三十二年三月也姜年十六邑令羅汝賢聞之具牲禮吊於墓提學御史陳公省疏其事勅下禮部移文郡縣坊表貞節尹氏邑民世福之女將及笄遭己卯兵變欲污之誓死不從投甌石拒之罵不絕口兵怒縱火焚之死

秦氏竇九曜之妻曜為仇家所誣捕役執氏欲亂之矢死不從  
引刀自刺死

劉氏王顯祿之妻年二十遇賊欲辱之不從罵賊被殺邑人義  
之

賈氏生員陳俞之妻正德六年兵變值舅病卒家人挽之避痛  
哭曰舅尚未歛婦何惜一死身服斬衰不解兵至縛俞縱火迫  
之氏誓與同死罵不絕口刃及身無完膚投火自焚年二十五  
歲

劉氏王自復之妻年十九歲遭兵變扶掖上馬屢次觸地罵不  
絕聲兵怒劈為數段邑令李申請旌表

清王烈婦劉昌賢之妻一夕氏獨處劉二者昌賢鄰也入其室  
戲之峻拒得脫越日氏憤恨以弓絃自縊槐樹下

韋烈女名小喜姐韋家莊人性嚴毅不苟訾笑自幼如成人鄉  
里異之年十三母兄他出嫂氏拾薪圃中女獨處一室同族有  
惡少艷女色聞室無人欲私之女避於側惡少迫而從女呼聲  
達鄰里惡少懼逸去比嫂及母兄歸女憤恨涕泣却飲食兄嫂  
慰之勿應後其母諭之始勉進一溢米母去仍哇之晝夜哭不  
休竟赴井死時乾隆三年九月初八日有司為置惡少於法請  
旌其門

吳氏宗登鰲之妻年十九歲夫亡仰藥而死嘉慶九年邑令柯



房宮具三  
映伊申請旌表

朱七姐年十七在家獨處里人某挑之不應投環死道光二十三年旌表

解夢熊之妻王氏夢熊客死青縣其柩歸王氏聞之一慟氣絕死而復甦未幾自投於井而死邑舉人崔旭為詩哀之光緒三年旌表

李氏舉人解延慶之側室延慶銓宣化府教授氏隨之任所適有婦從夫死者延慶重其人謂氏曰如吾死汝能相從耶氏曰能能延慶曰果爾則可與此婦並傳矣不數年延慶病故任所氏護送靈柩歸家營葬畢遂力踐前言服毒而亡嗟乎死者人

所畏而氏毅然捐軀無難色較古忠臣之臨難殉節者其死為尤烈非兩間正氣所鍾何能至此氏殆巾幗中之方正學乎從九品孫寶書女年十六歲同治七年捻匪入境值母歸寧女與妹在家看守聞賊將至父出問其詳女謂其妹曰倘賊至貞節難保携其妹投身死族長見之令人救出其妹復生而女已不可救矣鄰族皆贊曰聞賊捐軀貞烈罕有

陳孺人例封文林郎附貢生劉惠元配邑文庠佩璋公女也事翁姑先意承志孝行傳聞戚黨翁明經公疾孺人晝夜侍命稍息已而復來翁病中詠牀頭三日無孝婦牀頭三日見孝心之句以酬佩璋公論者以為難得翁歿姑持家節儉孺人勞瘁畢

慶雲集  
卷之三  
一  
至不敢僱女傭子女缺乳必得外僱乳媪而姑又以乳媪工費  
命出於紡績蠶子之憫加以盡孝之勞年逾四旬遘疾以終閨  
中之鞠躬盡瘁者也子鴻遠歲貢生女適樂陵王誥封淑人志  
中皆有所表見

祝氏者知縣如霖公女也許配知州蔣拱辰之子文生贊翰于  
歸後翁筮仕晉省驟得疾甚危氏聞古孝子有割股療親疾者  
自割臂肉投之藥中血出淋漓暗束以帛不令人知夜則祈天  
以代奈壽數限終難以挽回翁居官廉宦囊無長物氏盡嚮奩  
具以殮未幾夫得瘋疾姑患癱症氏無奈奉姑及夫就養母家  
向諸姑祈貸以供朝夕光緒癸丑冬跋涉數千里奉姑及夫同

回鄉里噫婦道無為者也而翁死而姑病而夫又顛狂氏以一婦人支撐其間奔走號呼卒使死者安葬於九泉生者終歸于故土非惟不辭勞瘁亦且無少怨尤雖古之烈丈夫猝遭大變終堅苦卓絕完全其責任不令稍留餘憾者亦何以過此則氏之所遭為至苦而氏之所行為至難矣此不但女中豪傑乃女中之聖賢也賢淑云乎哉

崔氏文生劉嗣佑妻家貧出外教讀病歿京東時僅遺薄田數畝或勸留以養贍氏不顧我以大義盡鬻之為運柩費携幼子登途時嚴冬雨雪道路泥濘氏日則徒走隨柩車行或為推挽過河時幾墜水夜則露宿柩側如事生夫而幼子者方呱呱以

泣痛入心髓路人聞之皆為墜淚人間苦境至氏而極卒歸靈  
柩葬後貧益甚惟恃針黹紡績所得撫育子女現幼子方濬已  
讀書成名長子瀛海亦安分務農無虞飢寒皆氏一人苦節之  
報也夫女子本無奇德而如氏所行之堅卓寔為男子所難能  
天殆故設苦境以成其苦節也夫噫

周氏太學生劉書田繼配性淑慎無子女布裙荆釵以佐夫子  
太學公臨終氏請命後事公迷網中命以辦大事氏仰體夫心  
變產於祖宗墓前各樹碑碣孑然一身貧苦以終至今過其墓  
者見豐碑屹屹謂出於女流之手嗚呼可以傳矣

劉淑人河南彰衛懷兵備道樂陵榮瑄王公繼配邑例封文林

郎附貢生劉真女也素閑閨訓識大體與公伉儷甚篤撫前室  
子孝廉承謙與己出子郡庠生承詵無二致孝廉與庠生亦孝  
友初公由翰苑為司練有聲光緒戊寅調汴省道抵汴未赴任  
病於館次劇甚延醫診視醫謂藥須生人肉入劑瘥斯愈醫去  
公愀然謂淑人曰捐人利己吾生平不為至割人肉以療疾尤  
不忍為我僅煎此藥可耳淑人含涕應曰俞未幾入別室持刀  
割左臂血淋漓裹傷忍痛投肉於藥煎以供公然究未能已病  
也自公捐館旋里營葬畢孝廉與庠生追憶淑人割臂事僉泣  
曰母德如此而不為請旌何以為子淑人聞之召孝廉與庠生  
愀然曰妻道與臣道同臣捐軀赴君難妻割肉療夫病皆義當

如此以請旌沽名大不可孝廉與庠生飲泣唯而退遂不敢復

請夫殺身成仁鬚眉尤難况巾幗乎而淑人竟不惜軀命期濟

夫君並不求人知即古忠臣烈士以身殉君其節烈亦不過如

是是非非惟植閨範而人臣之不能致命遂志者亦可聞而知愧

矣吁自戊寅自戊申垂三十年淑人已同歸窀穸而有此不惜

軀不求名之心照耀寰區淑人為不死矣是為志

張守龍已採入山東全志

潘氏處士劉松亭妻樂陵名門女也秉性淑慎識大體入門孝

侍寡姑和諸妯娌家貧松亭公宦遊江南十年無耗氏傭針黹

度日一燈熒然裁縫終夜借資延師課子為子畢婚而後松亭

公歸不但家計寬裕而門戶肅然依然如昨氏生平針黹所營

取不傷廉凡親族中婚嫁送終衣服或寡取或送情確有分寸能自立而曉大義嗚呼無愧賢淑矣

周氏胡峻德妻恩貢生胡雲瞻之母也至性過人于歸未久翁姑相繼逝世遺夫第二夫妹三年皆幼驟失怙恃亟待憫恤氏上體翁姑心躬親撫養十有餘年劬勞畢至俾皆婚嫁得所焉鄉里共以為難名流之題贈詩歌以表懿德者甚夥云

邱氏增生王熙春妻子歸後舅姑已年高夫姊一夫弟二皆需養瞻熙春家貧時不給出外教讀氏在家百計營謀急窘則歸母家措辦未嘗缺孝養資翁歿猶質衣買肉以祀因翁在日最愛肉食也尤難者夫幼弟娶未幾妻亡遺一女夫姊嫁未幾夫



慶雲集三  
卷之三  
亡遺四女皆無依聚處熙春家氏推愛及姊弟之心以撫姪女  
及諸甥女數年間未嘗出一言告匱真可謂孝友任卹兼盡無  
遺憾者矣

李氏文生屠潤鑫之母孝事翁姑曲意承志三姪與孫女俱缺  
乳覓乳母不得氏默然體親心乳哺猶子輩勝於親兒甚至為  
姪癩毒所染胸腹潰爛者年餘毫無愠意翁姑豫悅非常每對  
外人道及贊不絕口鄰人亦共稱之

馬氏李登鑿妻也素性敬謹不輕言笑及中年夫亡氏主持家  
道井井有條或教耕或課讀人雖衆各有專業現八十三歲家  
道小康子孫繁衍同堂歡聚者五世天相吉人信不誣也

劉氏增生韓書林之繼配也夫病經年氏親侍湯藥晝夜不怠嘗祈天暗祝願以身代及病篤氏請遺囑夫答曰吾之不瞑目者前遺子女也若各得所吾事畢矣遂卒氏年方二十二歲本身子女皆無有夫前配所遺子女五人氏善撫育之女教紡織男課耕讀苦守二十餘年男婚女嫁各得其所年近五旬而終人皆稱之曰賢淑洵不誣矣

齊夫人誥贈榮祿大夫增貢景夔馮公繼室也幼嫻閨訓適景夔公撫前室子女如己出女甫三歲養而兼教以至出閨針黹烹飪如夫人在閨時適夫家以賢孝聞慈訓力也夫人子祖培自幼使就外傳不以愛憐存婦人見稍長使入津武備學堂遂

成大器卽今川漢鐵路宜夔局長統計夫人一生持家操勞外  
賢淑而善於應變前清同治年間在籍遇捻逆變夫人隨時部  
署得以保全光緒末聯軍陷京津夫人時就養差次携家避地  
豐潤賴以安全民國紀元京津保軍相繼譁變夫人携婦孺逃  
徙他處亦賴保全其在籍遇荐饑之歲周卹鄰族猶其末已無  
論在籍在外每逢節序虔誠致祭以不得親事翁姑為憾女流  
中才德兼優者也祖蔭母徐夫人名孝廉圭璋公女也自及笄  
歸景夔公事翁姑能得歡心姑歿以哀痛致疾終時與景夔公  
訣云從君廿年時時覺不能寡過今遺子女以終對繼室勿言  
妻賢也與齊夫人先後媿美云

附戊辰殉難婦女

王太女大姐同治四年捻逆入莊逼女縫紉女罵不絕口被殺  
時年十七

武舉亦有仁妻馬氏暨子媳王氏同治七年捻逆至馬罵賊被  
笞死王亦同時罵賊並其幼孫女皆遇害

按志又載亦可選母馬氏亦可平妻王氏疑即此重出

同

族亦可亮義女年十三抱幼弟為賊所逼投井死同時殉難婦  
女蔣宗禮妻楊氏陳玉堂妻李氏陳連羣女玉姐張紀氏陳李  
氏張劉氏張李氏張王氏劉褚氏張九霄妻某氏並三子婦一  
孫女張蕭氏並孫女王環張張氏張氏劉馬氏王宗氏陳張氏  
劉四姐陳大姐李李氏並小孩三王李氏張翟氏董大姐李范

氏並女劉尹氏周解氏周胡氏徐梁氏徐吳氏段陳氏馮冉氏  
陳馬氏石張氏曹彭氏王忠君女闔朱氏並子傅慶雲妻劉氏  
寇世德嫂陳氏馬忠妻戴氏于應詔妻張氏尹善妻卞氏劉麟  
伯母李氏王戌伯母宋氏撤永妻劉氏于張氏張于氏張袁氏  
王劉氏王換姐韋德三妻袁氏並幼子韋珣妻張氏韋見龍妻  
張氏韋式庭妻李氏崔王氏崔大姐崔二 ~~吳~~張氏並子吳李  
氏某韋氏李二姐李周氏並幼孫侯敬永妻楊氏侯轉姐崔馬  
氏崔梁氏張張氏侯留姐楊孫氏王喬氏魏王氏魏大姐胡大  
姐監生紀三綱母馬氏貢生紀文光女文生紀雲巒妻李氏庠  
生李丕承之嫂楊氏堂姪婦劉氏堂姪孫女大姐張吉祥妻田

氏張邦彥妻曹氏闕自立妻王氏張胡氏胡王氏王郝氏劉王

氏李胡氏李韓氏成姐宗馬氏宗周氏宗大姐趙王氏宗大范

王氏劉勾氏張金鑾妻李氏張南陽子婦劉氏陳飛虎妻李氏

張金光母劉氏張永吉妻王氏劉十妻褚氏孫胡氏張宋氏孫

二姐王殿祥妻張氏王帝城妻黃氏又幼子又幼姪孫王希堯

妻張氏撒王氏王南周子婦王氏又作孫九霄妻胡氏張耀妻

馬氏張劉氏張劉氏黃高氏黃張氏楊王氏楊王氏楊劉氏黃

于氏黃趙氏賈黃氏楊梁氏劉胡氏劉耀廷妻韋氏劉發林妻

李氏並二子楊會妻馬氏楊三妻王氏傅行二妻某氏並幼子

于自新妻張氏並女王于氏馬湮妻齊氏馬夢林妻尹氏馬澤

妻賈氏馬麟閣妻王氏馬濟仁妻魏氏于陳氏于范氏于大姐  
張二姐韋連中妻王氏並子劉觀周妻侯氏韋祥母楊氏妻周  
氏並女及幼子張福貴子婦于氏張琴堂母張氏張達母某氏  
王希賢弟婦陳氏並幼姪于中堂妻褚氏並幼子于世榮子婦  
張氏並孫女某孫婦張某氏又于慶曾孫韋仙妻孔氏張際茂  
妻張氏張際安孫婦劉氏張敬堂母孟氏楊王氏戴緒女金姐  
戴大法妻韓氏並子婦戴寶氏戴陳氏又孫戴馬戴壽劉福貴  
妻王氏女愛姐並子大代二代戴世祥母范氏又妻宋氏女捨  
姐宋儉妻戴氏戴寅妻李氏楊兆昌女金姐銀姐楊胡氏楊張  
氏楊王氏楊張氏楊恩女大姐二姐三姐楊金亭女靈姐石周

氏劉馬氏劉劉氏胡旭女某胡氏竇王氏劉解氏某劉氏劉九  
峯子婦王氏陳壽青子婦蕭氏陳玉母趙氏撒振山母徐氏撒  
立亭妻王氏並子女唐崔氏張高氏崔效靈妻王氏馬文起妻  
王氏張行二妻張氏張譚氏張尹氏田某氏某劉氏張某女住  
姐徐張氏王宋氏並幼女秦秦華妻王氏秦玉美妻段氏並二  
子秦九江妻馬氏宗齊氏宗托氏趙劉氏胡大姐周李氏周懿  
妻張氏劉海濱妻馬氏並幼子周蕙溪叔母張氏並堂妹二人  
名周氏王對妻孫氏王二妻劉氏王南周子婦宋氏李有祥妻  
劉氏孟石氏孟劉氏劉張氏孟王氏溫喬氏魏鄭氏魏王氏魏  
某氏馬胡氏王胡氏徐劉氏王張氏楊玉成女楊氏蕭氏甥女



張代姐劉青春嫂齊氏王文炳妻劉氏王天復妻某氏馬希壽  
女大姐馬劉氏楊胡氏方王氏楊王氏楊劉氏楊張氏傅起元  
妻某氏張雲漢妻陳楊張氏撒王氏李大姐于豐太叔母馬氏  
何王氏何呂氏何八姐胡張氏胡王氏何張氏何王氏何焦氏  
屈劉氏趙焦氏張牛妻牟氏戴銀妻李氏戴宋氏畢羊妻胡氏  
畢萬妻王氏又作戴氏並幼孫畢萬青子婦胡氏畢元子婦馬氏于  
世貴姪婦張氏堂姪婦褚氏趙吳氏趙劉氏趙翟氏趙女某氏  
劉齊氏劉范氏王如玉妻汪氏李胡氏李王氏某李氏李二李  
王氏某張氏于李氏李孫氏江二閨重陽劉李氏袁孫氏袁某  
氏尹孫氏劉孟氏趙王氏劉于氏鄧女劉女李楊氏李劉氏李

氏女郭世麟妻徐氏王士龍女煥姐賈張氏王賈氏史楊氏楊

于氏楊徐氏范王氏田木氏蔣李氏甄王氏張賈氏甄馬氏田

王氏潘李氏潘王氏李崔氏李郭氏李李氏劉李氏苗馬氏苗

郭氏李段氏周李氏丁史氏丁張氏丁蔡氏蔡張氏劉文教女

劉文堂女並孫婦劉某氏李倬子婦某氏田勞氏田趙氏李李

氏趙某氏節婦趙郭氏劉齊氏胡張氏劉范氏楊徐氏王范氏

田士仁妻馬氏崔曉廷妻王氏楊墨林妻王氏張齊氏張楊氏

王闊氏張陳氏馬任妻胡氏子婦盛氏孫女大姐孟李氏王宋

氏女舉姐王某氏馬氏撒王氏傅殿元妻孫氏劉張氏胡靳氏

李朝輔妻董氏李鳳山妻王氏竇王氏張景奎母胡氏張文祥

妻李氏王福麟妻張氏馬齊氏李德修妻李某氏張殿衡妻韋氏並幼孫及女又姪女並甥女馬齊氏崔升堂母馬氏弟婦梁氏又子王澤遠嫂胡氏王立功妻胡氏張賈氏張董氏張李氏張田氏張張氏張王氏張楊氏霍占一妻劉氏女二姐孫大姐楊振聲妻張氏張周南妻紀氏何九如女何氏李倫妻楊氏胡二恩妻王氏張蔭妻張某氏並子女三人又中馬家莊女四口後馬家女六口于家店女二口西三里莊女六口趙家莊婦女五口李家店婦女四口范家店婦男九人吳家井男婦六人程家莊婦人一名均不辱死事平並旌之

按順天府忠義局第八十三次請卹冊同治七年殉難婦女計三百九十人志稿未載者有劉二姐王高氏趙劉氏周二姐何

大姐劉大姐馬王氏某孟氏某張氏于劉氏共十人又冊中與  
志稿姓氏互異者馮丹氏作馬丹氏孫習嫂李氏作劉氏王成  
伯母宗氏作宋氏王煥姐作王煥氏韋耀堂女韋韋氏李周氏  
作袁周氏侯轉姐作侯轉氏紀文光女作紀二姐劉行十妻褚  
氏作緒氏武帝城妻苗氏作黃氏王南周媳宗氏作宗氏王胡  
氏作馬胡氏楊玉成女楊姐作楊楊氏蕭氏甥女張代姐作張  
代氏王呂氏作何呂氏田宰氏作田勞氏李郝氏作李郝姐張  
升堂母馬氏作張馬氏共十八人未知孰誤又志稿所有兩冊  
中未及請卹者張李氏之幼女張王氏之幼女曹彭氏之女馬  
丹女王成之妹王氏之幼女二韋德普女並孫女韋德三幼女  
侯福安子媳楊氏崔忍氏之幼女武生紀和光女楊氏之女王  
連復女王帝城女並姪孫女劉發林姪女楊會文女周召堂嫡  
堂妹劉志超女韋連中女韋連奎女劉觀瀾孫女韋祥姪女王  
有女張琴堂妹于兆龍孫女王希賢女于中堂女張際茂女張  
敬堂之妹楊臣女何振妻某氏吳發太妻某氏吳陽太女趙莪  
妻劉氏周懿幼女二周秀嶺女周全五女石梅峯母某氏並妹  
張富昌女劉體治女于世貴孫又姪孫女趙樹馨姪女並姪婦  
董姓之女李王氏之幼女某李氏之幼女丁裁母某氏丁輝海  
母某氏蔡張氏女二劉文德女三李倬之孫女共六十三人縣  
志稿兼采順天府忠義局第八十三次請卹冊

傅成勳子婦孫氏年二十四聞賊至匿草棚中乃自經死同時

張岱峯妻陳氏年二十撤海長孫媳王氏年二十二何九如次

子婦某氏年二十一李容女年十八均自經死

傅雲鳳妻劉氏携幼子避中途遇賊母子皆被殺同時張雲青

妻倪氏馬文選妻劉氏王輝妻劉氏監生胡清橫妻馬氏胡錫

範妻李氏遇賊殉節馬雲白女年十九聞賊至抱幼弟而逃

遇賊命棄其弟女不從賊刃刃之指幾斷終不釋手賊怒刺之

死同時侯朝陽妻李氏亦遇賊不屈被刺死

按志稿又載馬雲白女俊姐未審是

一是

馬世珍妻吳氏聞賊至闔家避難見其孫受重傷乃迎賊大罵

被殺死同時齊宣妻崔氏王鳳誥妻齊氏孫文舉母陳氏劉顧

母齊氏皆以罵賊死

按忠義局請卹冊孫陳氏劉齊氏均以第八十三次請旌

何九如女年十八賊欲污之堅拒不從罵賊被殺同時張金鐸

妻紀氏賊挽之上馬不從砍其足氏取刀自刎又王某妻高氏

亦自刎死又于志誠子婦張氏見其夫被殺亦自刎死

按請卹冊張紀

氏以第八十三次請旌

庠生崔鳴皋女喜姐年十七與母匿松林中賊搜得欲掠之去

母抱女不釋賊鞭之流血女大呼曰寧殺我毋傷母賊亦鞭之

女不為屈賊怒取烏鎗擊之傷重棄去昇至家死

按請卹冊以八十三次請

旌又按檣冊載崔鳴皋女二姐年十七隨母避難遇賊阻路女罵不絕口遂被斃殺光緒三年旌疑即此重出

趙姓婢女梅花賊至適抱幼主孫立門外從容入室付與主母

曰吾將死不忍絕人後語畢急出投井死

按梅花係趙樹馨姓婦吳氏之婢已於忠

義局第八

十三請旌

王錫侯繼妻劉氏賊將入城抱其幼女並幼子投井死同治九

年旌

忠義局第四十四次請卹冊有王劉氏王二姐志稿作王錫侯妻劉氏女二姐疑重出

同時殉難者托某妻王氏携女幼子楊彥文妻張氏并女張作

室子婦王氏陳慶元子婦馬氏劉奮庸女張繼茂妻張氏並女

高景泰妻周氏並女李椿妻范氏女雙姐李廷美妻王氏韓樂

學妻胡氏王弼妻王氏王丙文妻劉氏侯德成女文生劉景模

姪婦馬氏並幼子韋瑛孫婦張氏韋式廷子婦范氏韋兆貴子

婦馬氏韋璞妻賈氏韋璋妻張氏韋德普妻張氏並女及孫女

闕某妻朱氏並子馬泮芹女諸生李丕承女貞娘王夢陽孫婦

張氏孫和之妹十姐孫習之嫂李氏張蘭之妹均不辱投井死

又馬箴妻張氏馬節妻節婦劉氏均罵賊急投井亡又張邦英

妻賈氏張平子婦胡氏皆聞警投水死按請卹冊韋璞妻賈氏孫習嫂李氏孫十姐馬

箴妻張氏皆於八十三次請旌又按志稿有李丕承女二姐張藍妹疑即李貞娘與張藍妹重出又按志稿馬箴妻張氏前已

重見卹冊皆作馬張氏似即此

張繡文妻張氏避匿林中賊搜得命作炊張不從携其幼女投

井死同時陳謙妻楊氏逃難遇賊使從服役不屈被殺又庠生

麟閣妻王氏賊令之炊不從鞭之不少屈王乘隙投井死按請卹冊



陳王氏以八  
十三次請旌

韋龍光妻袁氏與夫携子女避難中途失其夫乃推子女於井  
並已死之

庠生劉世科繼妻陳氏歸母家聞賊警母令之逃氏曰賊至有  
死而已以所生付母使速避賊至投水甕死  
按請卹母氏以八十三次請旌

庠生馬景峯  
忠義局請卹冊作鏡峯女十姐年十五為賊所掠鎖閉幽室

女以馬轡自經死同治九年旌

劉自成女十姐年十九賊欲掠之女不從以利刃迫之女大罵  
不屈賊怒亂砍之體無完膚死尤烈  
按請卹冊女以八十三次請旌

宗吉林妻劉氏吉林殉難氏携女避得免未幾賊又至乃置其

女於地投井死同時胡錫綬妻盧氏携子避難遇賊仰天呼曰  
不可使先人無後乃躍入溪死

貢生胡振敏母馬氏賊至振敏負母逃遇賊索財物不應答振

敏死馬大罵賊捷之死振敏尋甦

按請卹冊氏以  
八十三次請旌

韋耀堂女年及笄罵賊不屈賊亂刃之身無完膚昇至家猶罵

不已數日聞賊復至大呼一聲氣乃絕

按志又載韋耀堂女  
韋姐未知是否一人

張慶祥妻田氏偕夫避難入城饜殮不給回家取薪米遇賊令

速避投井死

胡元章妻張氏適歸寧賊將至投井死

陳景升女四姐年十九從母避難遇賊欲掠之女伏地不起罵

不絕口母為哀求女曰勿庸吾死此矣賊怒斫之死

郭永剛女年十六遇賊不屈賊擊之死

杜宜坊妻劉氏年二十五歲夫亡孝事舅姑守節二十八年賊

至投井而死

楊醇妻馬氏年二十六歲為賊所逼不從鞭之負痛抱幼子投

井中屍滿不得死仍罵不絕口賊怒以砧石投之母子俱斃同

時劉中來妻解氏携女逃避遇賊掠之罵不絕口母女俱投井

死又恩貞生

志稿作訓導

撒世元妻解氏罵賊不屈被殺同治十三

年旌表

檔冊按撒解氏忠義局第八十三次請卹冊已旌

劉景因妻李氏同治七年遭捻逆之難投井死光緒三年旌表

武舉劉汝鈺妻趙氏鹽山人偕夫避難遇賊逼上馬罵拒不屈脅以刃罵愈急則怒割舌抉目鬻割死齒牙皆裂汝鈺亦遇害

同時盧符妻劉氏閩名杏姐鹽山人聞賊至投井死劉莊炬輝管奇節錄

按請卹冊劉趙氏以八十三次旌

耿周氏歲貢生耿歸辰之冢婦也父秀峯太學生同產兄名棠

拔貢生弟名輔庠生名翰以醫名於時氏自幼知書明大義淑

靜寡言每聆父兄論及古人奇節懿行輒肅然動容心嚮往之

十八歲為曉鐘妻勤學佐夫里黨稱賢越六年率子壽泉歸寧

值捻匪入境母家用大車載全眷以逃車重行遲氏曰事急矣

我自能徒行諸老人毋以我故致累乃舍車徒步須臾賊大至阻其行氏怒罵之即用簪自刺面賊以刃割其兩耳口鼻罵愈厲嗣衆刃集體雖死良久不仆目睜手指依然罵賊狀初氏之舍車徒步也惟一老僕抱子壽泉隨壽泉時五歲見其母受重傷匍匐奔母所亦受重傷數處氣絕復甦老僕乃携之歸後中式光緒丁酉經魁官山西鹽大使氏夫弟武庠生旭鐘之妻子氏鹽邑恩貢孝廉方正麟書女與氏似姊最睦聞氏死哭之慟既而嘆曰死者已矣得其正矣惜我生者尚不知死所耳及二次賊至村人紛徙避氏獨拜辭翁壻經赴村邊投水死嗚呼臨難不苟視死如歸此士大夫之所難能而可貴者乃二氏以弱

女子凜然大節輝映一門一則激壯如志士一則從容如儒者  
倘非性堅貞而秉教有素烏足以語此也乎

解氏劉中來妻同治七年髮賊入境氏携十七歲幼女逃至流  
波塢女向母言曰萬一遇賊貞節難保遂投井而死其母亦死  
旌表

李氏寇世成妻事親至孝同治七年四月初十日遭變携姑逃  
走見賊進莊恐有失遂投井死聞者皆哀憐之

王烈女係王登元之妹戊辰之難賊欲污之該女罵不輟口賊  
以兵擊之身無完膚至死仍盤膝而坐未嘗僵卧失容

楊玉成之女妮姐許字劉錦堂未及嫁長髮賊至與堂嫂王氏

慶雲縣志  
卷之三  
一  
被圍賊欲同辱之二人罵不絕口賊怒將刃之偕堂嫂投井而死

紀氏監生張金鐸之妻同治七年擒匪入境未及逃避賊突臨莊氏自刃而死貞烈可風罕有其媿

范氏李寶樹之妻乃文庠生李昌齡之嗣母也三十二歲夫亡無子惟守一女於同治七年擒匪臨境携女投井而死旌表

王氏信民王鳳閣女其人賦性嚴毅淑慎鄉人羨之及長許配

趙青田為妻即郡庠生趙書田之嫂也過門後謹守婦道共稱孝順同治七年氏方十九歲遇流寇破圍執氏方抱幼弟書田賊欲污之乃棄弟於地罵不絕口誓死不從賊怒殺之碎其首

至今未蒙旌表其弟書田深為憾焉

宋氏文童王如阜之妻十九歲夫亡守節同治七年流寇入境與女自縊而死光緒十六年旌表

劉氏杜宜坊之妻同邑雲衢公女年二十歲守節同治七年殉難光緒六年旌表入祠

董氏李朝輔妻戊辰遇賊欲辱之氏得隙投井賊恨極以磚石擊之肱折而死

陳景升之女年十八歲遇變為賊所逼破口大罵賊怒割其口舌斫其頭腦而死

李氏范立良之妻同治七年捻匪至抱女投井而死



趙氏陣亡武舉劉汝鈺妻同治七年避難外村聞夫在莊外遇害即刻罵至賊陣中受極殘傷而死

孫氏傅雲亭妻性貞潔年二十二歲聞捨匪至懼受辱懸梁自盡現已旌表入祠

范氏劉昉妻年二十歲捨匪之變見夫遇害投井而死

紀烈女紀和光長女二十一歲捨匪入境誓不受辱被賊刀傷數處猶罵不絕聲其死甚烈

紀烈女紀文光長女年十九歲被賊迫脅投井身死

王氏崔燮臣之妻年三十歲因捨匪入境恐受賊辱投井而死  
周氏石登峯之妻同治七年捨匪入境氏捨命全節投井而死

迄今邑人過其井猶為惻然久之

### 節孝

明張氏劉泰之妻泰死張年十九歲矢志守節撫孤成人邑令  
宋漢以聞表曰貞節

趙氏生員田襲之妻襲死趙年二十歲孤甫四歲孝事翁姑守  
節不渝邑令蔡維藩以聞表曰貞節

張氏生員胡敏學之妻敏學死守節撫孤久無間言邑令馬馴  
以聞表曰貞節

劉氏邑民楊某之妻年二十二歲夫死守節紡績自給教子朝  
用入邑庠邑令杜爵表其門

朱氏趙西之妻西死年二十三歲守節不渝撫孤趙寅補弟子  
貞邑令杜爵表曰貞節

劉氏石漁之妻漁死劉年二十四歲撫一子一女躬績操井臼  
備茹辛苦卒年六十餘

唐氏生員張希曾之妻希曾死氏年十九歲盡屏脂粉躬紡績  
以節自守屢遭歉歲携孤就食他所備極勞動年六十歲卒當  
道交旌之

劉氏廩生胡時禎之妻時禎亡劉年二十一歲矢志冰霜七十  
而終邑令表其門

劉氏廩生胡時化之妻時化亡氏矢志守節七十而終邑令表為

貞節

胡氏李揚之妻揚死胡年二十歲矢志守節迄於蓋棺冰霜為  
心邑令旌之

于氏廩生賈成吾之妻夫亡氏年十九歲子書方五歲苦志冰  
操訓子入泮邑令表其門曰冰清玉潔

秦氏李仲之妻仲死氏年二十四歲子女俱無紡績度日矢志  
苦節終身不渝邑令旌曰貞節

王氏陳謨之妻謨死氏年二十二歲撫子事姑守節終身邑令  
表其門

清李氏廩生崔元吉之妻元吉亡氏年二十四歲冰清玉潔夫

志靡他五十餘歲終邑令胡一蛟表其門曰貞心勁節

蔡氏吳廷順之妻年二十歲廷順亡越月得遺腹一女伯氏欲嫁之蔡分其產於諸伯氏矢志冰霜撫孤女紡績度日年六十八歲卒邑令胡一蛟申請旌表

王氏崔秉重之妻夫亡氏年十九歲子贊明甫在襁褓氏屏膏沐勤紡績孝以事親慈以教子贊明入泮年五十二歲邑令胡一蛟申請旌表

馬氏生員崔元禎之妻夫亡氏年二十歲子永寧僅匝月依姑以居冰霜為心紈綺無所御歷七年而歿邑令胡一蛟表其門曰節孝

鄧氏拔貞王祚昌之妻夫亡氏年二十五歲無子鞠從子廷祿  
為嗣未幾亡與廷祿婦李氏撫二弱孫矢志守節松柏為心邑  
令胡一蛟表為一門雙節

宗氏生員釗元輔之妻夫亡氏年二十歲子維藩方晬以孝事  
姑以慈訓子維藩長補右庠生年六十歲邑令胡一蛟旌曰孝  
慈貞節

張氏馬粹秀之妻粹秀亡氏年二十五歲子爾鶴甫數歲貞風  
勁節矢志冰霜子長八泮年六十歲邑令胡一蛟旌其門曰芳  
婉柏舟

韓氏馬鍾秀之妻鍾秀亡氏年十九歲勵志苦節訓子八泮年

五十四歲邑令胡一蛟表其門曰堅節撫孫

劉氏胡時茂之妻少嫠舅姑憐欲嫁之氏堅以守節自誓繼從子為嗣養志撫孤孝慈兼盡年七十歲邑令胡一蛟旌為天植孝慈

張氏胡瑤之妻瑤亡氏年二十歲孝親撫子艱苦終身

王氏生員劉化中之妻夫亡年二十三歲事孀姑撫弱子屏去華飾躬勤紡績年六十餘邑令胡一蛟申請旌表

張氏胡宇清之妻夫亡氏年十八歲苦心矢志人稱貞節年六十歲卒

楊氏教諭胡正全之繼室正全歿於任氏年二十歲獨撫二子

髻年入泮人推苦節年六十二卒

鄭氏胡士奇之妻士奇死氏年二十三歲子女俱無家無升斗  
儲紡績度日苦節終身年七十卒

李氏胡宇陶之妻夫亡氏年二十二歲子幼姑老事上撫下人  
稱節孝

董氏李順芳之妻年十八歲順芳亡撫遺腹子立志勵節邑令  
胡一蛟表其門

劉氏府吏陳賡之妻賡死氏年二十一歲遺子士彬方二歲安  
貧守志紡績自給子入泮食餼邑令申請旌表

孟氏監生程鵬遠之妻鵬遠亡氏年二十五歲誓天表志斷髮



明心孝事舅姑慈撫子女子國祥補博士弟子員邑令申請旌表

宗氏生員李蔭溥之妻蔭溥亡氏年二十三歲遺孤尚幼家貧効績執勤年七十二歲邑令申請旌表

王氏鉅鹿訓導陳南星之繼室戊寅兵變南星歿於任氏年二十五歲携二弱子扶櫬歸里亂離之際辛苦備嘗毀容立志勤紡績課子成名邑令申請旌表

楊氏解珽之妻珽亡氏年十七歲翁姑俱故遺孤甫七月毅然自誓織紡苦守撫子成人孀居四十三載邑令申請旌表

賈氏魯生智之妻年二十一歲夫亡遺子甫週歲孤寒無依紡

績為生人稱貞節

韓氏賈延誼之妻延誼亡子方五月諸親議他適氏堅不從苦節終身孝慈兼盡

張氏生員郭士秀之妻年二十歲士秀亡苦節終身

張氏李得洪之妻得洪死氏年二十歲家貧紡績自給心同皎日志苦秋霜子輝入武庫邑令申請旌表

尹氏劉緯之妻年二十四歲夫亡守節歷四十年康熙五十三年旌表

楊氏馬驥之妻年二十八歲夫亡孝事孀姑撫孤成長娶媳而亡兩世孀居冰操愈勵守節三十三年雍正十年旌表

李氏黃光德之妻夫亡年二十歲家甚貧撫其子以紡自給善  
事舅姑艱苦備嘗終身不懈年八十二卒

王氏李正華之妻年二十歲夫歿於外氏迎柩歸葬後家計蕭  
條竭力奉事孀姑節操愈堅以族子為嗣壽七十餘年

陳氏胡熊之妻苦節六十餘年

馬氏胡爾樞之妻年十六歲于歸未半載爾樞卒矢志守節撫  
遺腹子成立孝事翁姑始終無間

陳氏王謙之妻夫歿氏年二十一歲奉夫柩主卧室日夜悲泣  
苦節不渝

馬氏鄧文沛之妻夫亡氏年二十歲無子女苦節四十餘年有

司旌之

陳氏生員胡點之妻點十歲工草書能文章稱神童二十歲入學亡後氏栢舟自矢苦節四十餘年

馮氏武舉陳士鎔之妻二十八歲守節

古氏崔銓之妻年二十五歲守節有司旌曰松貞蘭茁

趙氏張得貴之妻年二十歲守節以孝慈著

張氏崔實之妻年二十歲守節撫遺孤在襁褓中孝事翁姑躬親紡績辛苦備嘗矢志彌堅

馬氏吳壘之妻年二十歲守節養老撫孤備歷艱辛合邑重之  
楊氏趙篤生之妻年二十五歲氏守節六十而終人稱孝慈

劉氏生員鄧文濟之妻年二十九歲生子懋甫六月而夫亡矢志靡他躬勤紡績孝事舅姑撫育幼子延師訓誨有聲庠序年六十餘乾隆三年邑令鄧岫申請旌表

陳氏劉紀之妻年二十五歲守節卒年七十歲乾隆三年申請旌表

田氏王國珠之妻國珠死氏年十九歲生子鐸甫二歲夫志守節以養親撫孤為己任姑死喪葬盡禮錯娶婦楊氏李氏皆相繼死氏撫遺孤未嘗稍懈年八十餘乾隆五年邑令金士仁申請旌表

陳氏胡達先之妻守節乾隆六年入節孝祠

崔氏何津之妻津死氏年十九歲遺孤甫二歲氏幾不欲生念  
二老無依忍哀飲泣養老撫孤孝慈兼盡苦節四十餘載乾隆  
七年邑令金士仁申請旌表

鄧氏生員馬芳之妻氏年二十二歲夫亡幾不欲生遵姑命忍  
哀飲泣以養老撫孤為己任子長延師課讀遂入庠年六十餘  
邑令金士仁申請旌表

王氏季資深之妻于歸後年二十二歲夫亡無子女先是其姑  
歿叔年甫二歲氏鞠育之零丁孤苦守志不渝閭里咸以為難  
乾隆八年邑令金士仁申請旌表

鄒氏鄧鈞之妻鈞歿氏年十八歲無子女幾不欲生念二老無

依忍死以養舅姑病日侍湯藥夜焚香願以身代及卒竭力營葬後繼族子而天斃斃一身冰霜自夫聞者咸傷之乾隆八年邑令金士仁申請旌表

魏氏馮蕙之妻蕙歿氏二十歲矢志撫孤不辭勞瘁翁患腹疾奉養不渝事姑年幾上壽氏亦邁週花甲晨昏定省無稍間斷鄰里咸稱之乾隆八年邑令金士仁申請旌表

姚氏張鳳翔之妻翔卒氏年二十二歲矢志冰霜不求名譽事姑以孝育子以慈乾隆九年邑令金士仁申請旌表

李氏生員齊兆麟之妻夫亡氏年二十歲食貧作苦數十年不渝乾隆十年邑令金士仁申請旌表

李氏勾養習之妻二十二歲夫亡勵志守節撫遺孤成立卒年八十餘乾隆九年邑令金士仁申請旌表

張氏王者興之妻年二十二歲守節親老子幼居貧作苦不辭艱辛舅姑歿竭蹶營葬撫稚孤以養以教至於成人乾隆九年邑令金士仁申請旌表

孫氏劉夢燕之妻夫亡氏年二十四歲矢志守節初氏于歸時值姑病卧牀蓐氏奉事晝夜不倦姑歿夫繼亡氏携稚子以奉老翁翁歿無力營葬停柩於室出入瞻依絕無幽明之間子稍成立即安厝翁柩次子煥乾隆甲子科舉於鄉十年邑令金士仁申請旌表



李氏生員王汲之妻年二十一歲夫亡冰霜自矢養親撫孤咸盡其道苦節四十餘年乾隆十一年邑令金士仁申請旌表

陳氏生員張架之妻年二十二歲守節乾隆十五年旌表

張氏胡汝承之妻年二十一歲夫亡氏守節不渝養老撫孤不

辭勞瘁年六十餘乾隆十六年旌表

王氏李大用之妻年二十一歲夫亡遺孤甫六月氏冰霜自矢

事翁姑無失禮訓子成名乾隆十九年申請旌表

劉氏生員齊世德之妻夫亡氏年二十八歲矢志守貞紡績易

甘旨以養姑遺孤孀亡姑號泣不欲生氏且泣且勸曲慰姑心

洵姑歿悲哀哭泣之聲十餘年如一日斃斃子立俯仰無依年

七十餘僦屋而居主人憐之不課其稅然操作自給晚節彌苦  
乾隆三十年邑令李蔭椿申請旌表

陳氏生員鄧文溫之妻華年矢志養親撫孤備歷艱辛

李氏勾某之妻夫亡年二十三歲順治初土寇竊發家產蕩然  
子鳳集尚在襁褓苦節自夫年八十一歲而終

撒氏張盛之妻年三十歲守節乾隆三十五年旌表

胡氏馬驄之妻夫亡氏年二十二歲子永堅生甫六月携依外  
家撫養成立苦節五十餘年公舉入節孝祠

劉氏生員陳珂之妻珂亡氏年二十餘無嗣珂父垂老得一庶  
子未幾父與生母卒氏撫養幼叔至於成立苦節終身

王氏王果之妻年二十歲于歸未幾夫亡得遺腹子撫育成入  
家無宿舂糧安貧守節七十餘歲卒

賈氏李贊之妻自二十一歲守節卒年五十九子恩溫恩貢

韓氏孫容貴之妻守節方制府為方伯特旌之曰瑤池冰雪

路氏陳鑑之妻自二十四歲守節邑令王天慶旌之曰勁節凌

霜

陳氏李祥之妻年二十六歲守節孝翁姑撫子女至八十一歲  
終

王民生員劉錫彤之妻自二十一歲守志卒年八十七歲

岳氏范炯之妻年二十九歲守志七十餘歲卒

高氏劉茲之妻自十九歲守節事孀姑撫嗣子孝慈兼盡至六十二歲而卒

韋氏十七歲適陳璋未幾璋亡無子女苦節五十年貧病以一死陳氏生員劉燦之妻夫亡年二十一歲苦節六十一年至八十一歲卒

胡氏劉燧之妻夫亡氏年二十二歲苦節三十七年至五十八歲卒

李氏張繼善之妻自二十一歲守節至五十歲卒

徐氏張璧之妻自二十七歲守節至七十三歲卒

陳氏武生鄧國翰之妻自二十歲撫孤子守節終身

房雲集三  
王氏張希聖之妻自二十八歲守節子殿英入泮學使旌之曰  
秋灰雁影

鄧氏王兆蘭之妻氏年二十三歲夫亡後學使者表其門

張氏張祥之妻夫亡氏年二十九歲守節終身

霍氏胡瑩之妻夫亡氏年二十三歲養親教子里黨所欽至六  
十八歲卒

劉氏賈溫良之妻自二十歲苦節垂四十年

韓氏劉夢兆之妻夫亡氏年二十四歲食貧茹苦守節四十年

朱氏生員張德峻之妻年二十歲守節至五十六歲卒

張氏胡世行之妻自二十七歲守節終身

楊氏張永漢之妻夫亡氏年二十八歲無子守節七十一歲卒  
劉氏周繼成之妻夫亡氏二十八歲撫遺腹子勤儉持家八十  
六歲終

張氏胡某之妻夫亡氏年二十二歲撫遺腹子箕勤儉持家守  
節六十年

侯氏王績之妻年二十一歲守節年七十五歲終

劉氏王綏之妻綏死氏年二十一歲矢志守節遺孤二歲殤氏  
鞠從子珮璉為嗣家貧紡績以字至於成人娶妻王氏逾年而  
夫為繼娶陳氏而珮璉又夫氏撫雙媳育弱孫艱難備至事舅  
姑皆幾上壽鄉黨咸推節孝乾隆四十三年申請旌表

王氏杜紹庭之妻自二十七歲守節終身事舅姑以孝聞

杜氏王佑之妻自二十歲守節八十餘歲卒

陳氏生員李時之妻守節四十二年七十歲卒

張氏胡實之妻自二十四守節至七十五歲卒

范氏李常譽之妻夫亡氏年十九歲事翁姑撫遺腹子成立苦

節二十餘年人皆稱之

劉氏趙峻之妻自二十三歲守志卒年八十二歲

馬氏生員張世秀之妻自二十歲守節終身

徐氏馮修之妻守節學使吳公表其門

王氏王斌之妻守節三十年邑令柯映伊表之

于氏賈有信之妻夫亡氏年二十歲學使者羅公旌其門

王氏生員張若崧之妻年二十四歲撫孤守志孤十四歲而殤  
氏亦尋卒時年四十歲

鄧氏生員陳淦之妻自二十六歲守節終身

王氏胡爾悅之妻自三十歲守節子幼家貧氏勤儉自持孝事  
舅姑冰霜之操始終如一訓子孫以禮法長孫月印食餼郡庠  
卒年八十四歲

耿氏張繼思之妻二十九歲夫亡子女幼弱家計蕭條勤紡績  
以養舅姑撫育諸孤備嘗辛苦年六十二歲卒

張氏處士馬欽之妻二十一歲夫亡無子以仲氏子為後撫育



如已出家貧饑饜不繼氏紡績易粟以事翁姑甚得婦道苦節  
五十餘年七十三歲卒

趙氏王珩之妻子歸後六年珩亡無子氏年二十四歲誓無他  
志撫兄公之子為嗣未幾舅姑相繼歿氏內外擔柱喪葬以禮  
苦節五十年卒年七十有三

李氏程克謹之妻自二十五守節孝事舅姑慈撫孤幼年六十  
二歲卒

王氏張國璠之妻二十六歲夫亡孤子在襁褓家貧氏節操自  
勵舅不能奪其志年五十六歲卒

范氏程翰之妻三十三歲夫亡奉孀姑克盡婦道撫育孤子而

張氏張維洽之妻夫亡氏年二十二歲苦節自矢以歿

王氏何永遺之妻夫亡撫孤守節以終

賈氏王士恩之妻夫亡氏年二十六歲守志不渝而歿

張氏生員胡鱗友之妻自二十二歲守節貧而無子事姑甚孝  
年至上壽歿

竇氏劉之璉妻夫亡年二十四歲守節以終

陳氏王某之妻夫亡氏年二十八歲善事翁姑守節以終

趙氏監生張潤之妻二十九夫亡守節以終

楊氏生員魏大功之妻夫亡氏年二十五歲遺孤攀桂方三歲  
矢志勵節教子入泮守節以終

張氏監生 鳳舉之妻二十九歲夫亡守節以終

周氏王士明之妻十九歲夫亡遺一子啣窮而守節以終

向氏張永福之妻夫亡氏年二十五歲養姑教子勤儉備至始終如一而歿

張氏胡星愷之妻二十九歲夫亡教子成立守節以終

陳氏秦浩妻夫亡守節以終

苗氏李節之妻二十三歲夫亡遺一子又早亡與孀媳撫孫楮入泮守節不渝而歿

周氏張坤之妻年二十三歲坤亡無子家甚貧翁鰥且老紡績為翁謀繼室生一子年十五氏為之娶及生一子撫為己嗣葬

翁盡禮人共賢之守節以終

李氏李克昌之妻夫亡氏年二十歲家貧無子苦心守節以歿

石氏劉清泰之妻夫亡氏年二十歲守節以終

劉氏劉舒泰之妻年十九歲夫亡守節以終

張氏趙中安之妻夫亡氏年二十七歲苦心守節以終

王氏苗方泰之妻夫亡無子女事翁姑孝自二十一歲守節以

終

徐氏李思忠之妻夫亡氏年二十歲守節以終

唐氏胡管之繼室十九歲夫亡守節以終

王氏王葆光之妻夫亡氏年二十一歲撫孤守志以終

王 氏 賈 獻 謀 之 妻 夫 亡 氏 年 十 八 歲 青 年 勵 節 矢 志 堅 貞 始 終

如 一

何 氏 楊 維 興 之 妻 夫 亡 氏 年 二 十 一 歲 守 節 以 終

楊 氏 監 生 劉 芳 之 妻 夫 亡 氏 年 十 九 歲 守 節 以 終

解 氏 馬 清 之 妻 夫 亡 氏 年 二 十 八 歲 守 節 以 終

王 氏 王 再 思 之 妻 夫 亡 氏 年 二 十 八 歲 守 節 以 終

溫 氏 趙 學 義 之 妻 夫 亡 氏 年 二 十 二 歲 守 節 以 終

朱 氏 張 永 堅 之 妻 二 十 五 歲 孀 居 二 子 孩 幼 氏 勵 志 守 節 備 歷

艱 辛 事 父 母 以 孝 稱 以 壽 終

袁 氏 張 永 直 之 妻 夫 亡 氏 年 十 九 歲 無 子 女 撫 從 子 為 嗣 苦 心

勁節終始不渝孝養翁姑人言無間以終

陳氏孫成德之妻二十七歲夫亡得遺腹子矢志不渝撫孤幼事孀姑孝慈兼盡守節以終

賈氏孤剛之妻二十六歲夫亡守節以終

王氏胡月臨之妻二十六歲夫亡子嬰孫舅姑皆衰老砥礪志節躬自作勞粗服糲食斥鉛膏綵繪不御養老撫孤備盡孝慈守節以終

劉氏生員王澤九之妻十九歲夫亡無子矢志守節事姑執婦道維謹年八十八歲卒

賈氏劉志孟之妻二十五歲而寡守節至六十歲卒

王氏劉永泰之妻二十九歲夫歿一子甫晬氏撫孤守節以養  
舅姑始終如一

高氏王之基之妻夫亡氏年二十五歲無子孤苦而志節彌堅  
壽幾耄耋而歿

陳氏蔣炬之妻二十二歲守節夫志堅貞歷久不渝而歿

張氏于庭選之妻夫亡氏年二十二歲無子鞠從子為嗣家貧  
事舅姑克盡婦道舅姑歿竭力營葬備極勞瘁守節以歿

李氏劉芳之妻二十九歲守節道光元年旌表

韓氏托秉禮之妻十八歲而寡一子甫緜月勵志守節足跡不

踰閨守節以終

劉氏齊鐸之妻夫亡氏年三十歲無子以從子大文為嗣苦節自守始終如一道光元年學憲吳表其門曰節凜冰霜七十八歲卒

白氏魏焄之妻夫亡氏年十九歲無子以從子某為嗣栢舟自矢歷久彌堅道光三年由禮部題請旌表八十餘歲卒

董氏馮克一之妻二十六歲守節道光四年中堂賈允升奏請欽賜德昭壺儀匾額年七十四歲卒

胡氏儒童劉長榮之妻年十四歲于歸二十三歲夫亡遺一子嚙善事翁姑克盡婦道翁姑歿盡哀盡禮教子孫嚴而有方居家和睦御下慈仁病篤時戚族一朝問疾者不下百人歿後貧



婦乞丐皆來哭之成慟先輩有道行者嘗指為女中賢人道光  
十三年滄州夫族弟劉仲瑋時官戶部員外郎申請旌表卒年  
七十一歲甥邑舉人崔光第為立傳付梓子璵議叙從九品長  
孫希愈饒貢成均

劉氏張倪妻嘉慶五年夫亡時氏年二十歲守節道光十年旌  
表

張氏齊錫武妻二十一歲夫亡遺孤鴈揚年方週歲氏事翁姑  
以孝敬教幼子以成人後中嘉慶庚午科武舉道光十二年旌  
表

王氏楊士慧妻二十一歲夫亡矢志守節道光戊戌年旌表

馮氏馳贈武畧騎尉胡安賢妻二十五歲夫亡矢志守節玉潔  
冰清奉事翁姑撫育子女孝慈兼盡道光十四年旌表

解培幹之妻張氏樂陵監生張某之女年二十八歲夫亡事姑  
撫孤矢志靡他勤儉持家教子孫知禮法道光十二年曾出所  
蓄積以濟族中貧乏者至二十三年由禮部題請旌表

解銳之妻王氏樂陵武生王所賓之女二十五歲夫亡事姑育  
孤與姑張孺人大節相符克嗣徽音道光二十三年同時旌表

王氏陳履垣之妻年二十一歲夫亡氏少繼姑四歲事之維謹  
絕無疾言遽色撫二子成立次子映霄入武庠家計中落饑寒  
困迫抑鬱以終卒年五十六歲

李氏劉珺之妻年二十六歲于歸二十八歲夫亡一女並前室  
一女以從子書田為嗣舅早歿事姑甚謹未幾姑亦歿撫前室  
女及從子皆如已出及長婚嫁俱為擇名族治家嚴肅內外分  
明苦節十八年四十五歲卒

陳氏劉虞典之妻年二十七歲夫亡有遺腹子善事翁姑子長  
讀書未成家綦貧備受艱苦守節三十二年五十九歲卒

張中乾之妻章氏章若嶠之女夫亡氏年二十五歲一子桐早  
亡矢志守節終身不渝道光二十四年禮部題准旌表節孝八  
十七歲卒

劉氏劉中岳妻二十五歲夫亡守節撫孤事姑至孝進士李廷

幹為之請旌額其門曰竹節松操

李氏解節妻二十五歲夫亡撫遺孤峻霄勤苦不倦孀居四十三年道光二十四年旌表入祠

于氏王曾瑞之妻子自長之女嘉慶二十五年夫亡事姑孝順持家勤儉道光二十九年孫際昌入泮邑紳公送匾額表其節苦節

常氏王永壽妻二十二歲夫亡無子所遺田產不敷養贍苦節六十餘年遵夫遺囑立姪式穀為嗣家道賴以不墜至今為鄉里望族道光三十年旌表

喬氏陳明倫之妻年二十九歲夫亡遺一子三女食指甚繁恒

產無幾翁早歿事姑頗得歡心姑歿喪葬盡禮苦節四十六年  
現年七十九歲

苗氏王榮之妻年十九歲于歸二十八歲夫亡無子以從子嗣

上事翁姑下撫幼子辛苦備嘗守節五十七年八十五歲卒

喬氏張平海之妻年二十一歲夫亡子甫三月孝事孀姑慈撫

幼子家貧無怨言現年五十二歲

馬氏杜梅之妻年二十七歲夫亡內事翁姑外持家計苦節十

七年卒咸豐三年學使龔以孝慈完節四字賜之

田氏武舉杜榮恩之妻夫亡氏年二十五歲無子以從子為嗣

上事太翁及姑皆得歡心苦節三十七年咸豐五年邑令單象

庚申請旌表

胡氏生員杜如金之妻年二十四歲夫亡事孀姑撫孤兒終身不懈苦節二十七年咸豐五年邑令單象庚申請旌表

劉氏解撫妻十七歲夫亡子女皆無孝事翁姑始終不懈宗族咸稱之咸豐五年旌表建坊入祠

于氏李世醜之妻年三十歲夫亡遺一子事親撫孤戚族共稱苦節二十一年五十一歲卒咸豐七年邑令單象庚旌其門賜匾額曰貞心荼苦

李氏監生崔晨之妻年二十九歲夫亡遺一子並前室二子皆撫之成立長子光簽官典史殉難季子光篋入泮苦節三十

履信具三  
卷之三  
四一  
餘年今六十一歲

趙氏馮應兆之妻年三十歲夫亡守志咸豐五年提學張祥河  
賜松筠婉節四字旌其門八十三歲卒

劉氏陳嘉元之妻年三十二歲夫亡事孀姑撫幼子家甚貧守  
節終身九十三歲卒

胡養蒙之妻董氏夫亡氏年二十七歲遺一子大業甫三歲上  
事翁姑下撫幼子紡績度日勤儉持家教子入泮後曾孫惺舉  
孝廉皆氏苦節積累之功也七十八歲卒

孫光起之妻任氏二十七歲夫亡遺二子長甫十歲次甫二歲  
家甚貧氏撫二子盡心竭力不憚勤勞後十餘年頗稱小康苦

節四十七年七十四歲卒

馬偉之妻李氏夫亡氏年二十四歲苦節自守終始不渝年八十二歲卒

張若嵐之妻胡氏夫亡氏年二十五歲苦節自守年七十五歲卒長子浩長孫中和皆入泮

胡文盛之妻許氏許成德之女二十八歲夫亡遺一子苦節自勵終始如一年五十七歲卒旌表

楊來有之妻王氏王成德之女夫亡氏年二十七歲遺一子廷玉撫孤成立節操克堅八十一歲卒

楊廷玉之妻秦氏秦珍之女夫亡氏年二十二歲遺一子保成



苦節自守七十七歲卒

單祿之妻張氏有安之女夫亡氏年二十三歲遺一子玉珂賢  
貞自守今五十六歲

張城之妻劉氏劉文輝之女二十六歲夫亡一子中清守志不  
渝七十七歲

張瑄之妻張氏張公道之女夫亡氏二十四歲遺一子中的苦  
節自守七十二歲卒

張鴻昇之妻董氏董發祥之女年二十四歲夫亡遺一子璜志  
節堅貞六十四歲卒旌表

何思明之妻張氏夫亡年二十二歲有遺腹子泮林時翁姑俱

存生養死葬親自經營家貧寒勤儉度日和睦居久為里黨所  
推年六十六歲

何思恭之妻劉氏夫亡氏年二十八歲子女俱幼家道貧苦幾  
難自立氏獨能勵冰霜之志堅松栢之操一鄉敬服今七十七  
歲

馬廬峯之妻杜崑源之女夫亡氏年二十二歲無子矢志守節  
今年四十六歲

張見龍之妻李氏夫亡氏年二十九歲堅貞自矢始終不懈苦  
節四十六年今七十五歲業蒙旌表

張元仁之妻陳氏陳國用之女夫亡年二十九歲撫孤子漢池

艱苦備嘗貞操不改四十餘年如一日時孫曾滿堂年七十四歲

王宗孔之妻劉氏劉中式之女夫亡氏年二十五歲貧苦度日清謹自守苦節三十三年五十八歲卒

僧生解文漢之妻胡氏夫亡氏年三十歲事翁姑以孝處娣姒以和待子姪寬嚴有法展親睦族里黨共稱今七十歲

解登桂之妻劉氏夫亡氏年三十歲孝以事親和以處家矢志靡他今五十七歲

解廷諮之妻張氏夫亡氏年十七歲善事翁姑歿有襁褓幼弟撫之成立為娶妻室勤勞人所共知年六十歲

王氏周廷棟妻二十六歲夫亡貞節自守咸豐六年旌表

解鳴琴之妻崔氏年十四歲于歸十六歲夫亡無子女孝順翁姑和睦娣姒讀書識字深明女誡針黹之餘手執一卷有大家

風範咸豐中申請旌表苦節五十五年七十一歲卒

張化龍之妻李氏夫亡氏年二十三歲養親撫孤辛勤備至苦節五十餘年業經旌表

解鳴琴之妻崔氏年二十三歲夫亡一慟欲絕求死者屢或勸以翁姑在堂宜節孝兩全乃飲泣而止子女皆無苦節自守雖一杯一筋自用者不做人用識字能詩不輕示人咸豐中申請旌表六十歲卒

劉厚植之妻崔氏夫亡氏年二十七歲無子遺一女及笄又亡  
貧苦自安始終不渝晚年依母家度日守節以終

周氏劉爾森之妻夫亡氏年二十三歲無子遺一女及笄又亡  
氏矢志自守事翁姑惟謹翁姑歿撫翁庶出二子教養兼盡門  
庭嚴肅如翁在日

徐氏張偃武之妻年十九歲夫亡貞節自持堅如金石事翁姑  
備盡孝敬撫嗣子如己出後嗣子汝漢入武庠胞姪女四皆以  
母稱淑之德鄉里皆稱贊焉苦節五十二年壽七十一歲卒咸  
豐十一年奉旨旌表

張氏魏珏之妻二十三歲夫亡養老撫孤慈孝兼盡冰霜之操

終身不渝咸豐十一年旌表

吳氏劉通泰妻年二十六歲守節咸豐十一年旌表

李氏劉達妻夫亡氏年二十五歲守節同治元年卒

趙氏劉輝堂妻二十歲夫亡守節現年五十三歲

胡方城之妻劉氏邑武生劉丕基之女夫亡氏年二十五歲遺

一子劫甫週歲事繼姑獨任勤勞撫孤慈而嚴躬親紡績儉已

厚人家非素封性好憐貧子劫長入邑庠同治四年旌表

王氏胡鳴岐妻夫亡守節同治五年旌表

劉慎守之妻劉氏年二十二歲夫亡無子遺一女冰霜自夫始

終不渝苦節五十餘年同治八年邑令謬志魯表其門曰節壽

雙臻

胡之浩之妻齊氏年二十一歲夫亡無子撫孤女度日家中落  
雖糧絕炊斷而矢志彌堅同治九年邑令楊承杰申請旌表

劉世純之妻勞氏陽信文生勞振川之女十九歲于歸二十八  
歲夫亡守節三十八年六十七歲本學學師表其門

劉宣為之妻趙氏夫亡氏年二十三歲遺一子事孀姑撫孤兒  
始終如一苦節五十年七十三歲同治九年邑令楊承杰申請  
旌表

劉若愚之妻李氏年二十一歲夫亡遺一子奉侍太翁姑及翁  
姑克盡婦道中外稱賢將抱曾孫姑尚在堂仍執婦道無缺同

治九年邑令楊承杰申請旌表

韋氏從九品陳濱妻二十九歲夫亡守一女一子勤紡績事姑以禮訓子成名年八十五歲卒同治十年旌表

文生劉景賢之妻劉氏劉春城之女夫亡氏年二十八歲遺一子撫之成立苦節四十八年同治十年邑令楊承杰申請旌表  
劉氏童生杜鳳儀妻二十一歲夫亡矢志守節紡績度日同治十一年邑令楊公表其賢曰志堅金石

馬氏劉兆吉之妻二十三歲夫亡貞節自持事翁至孝同治十三年旌表

杜氏武生蔣德照妻年十九歲于歸逾歲而孀志堅冰霜事親



最孝後鞠伯氏次子文田成人立孫煜奎為嗣翁姑養病經年  
奉甘旨侍湯藥未嘗稍懈洎翁姑歿葬祭盡禮鄉里咸欽之壽  
八十六歲而終李文忠公表其門曰節孝

胡氏孫書紳妻同邑胡諤女年二十七歲夫亡無子守一女素  
清貧自奉儉約貞靜寡言守節數十年永無怨言鄉人皆敬重  
焉

程氏楊思智妻同邑程寶南之女二十七歲夫亡無子終身守  
節人無間言

郭氏華丕勳妻二十二歲夫亡撫遺腹子一生靜默翁姑稱孝  
鄉隣稱節

李氏楊觀美妻二十一歲夫亡守一子九歲溺死苦節四十五年而卒

王氏從九華廷臣妻同邑王有紀之女二十九歲夫亡性簡默不苟言笑奉旨旌表

陳氏秦樹庭妻二十九歲夫亡矢志守節光緒二年旌表

李氏候選巡檢李向榮妻年二十五歲孀居幽嫻貞靜始終如一年老過胞姪為嗣

劉氏王其元妻夫亡守節光緒三年旌表

王氏武生李萬清妻二十六歲孀居矢志守節姑病奉養十餘年無倦容光緒三年時五十七歲奉旨旌表

楊氏張九津妻十九歲夫亡守節撫育嗣子成五年六十九歲  
申請旌表

張氏張與洵妻二十五歲夫亡貞節自守志勵冰霜五十九歲  
卒光緒三年申請旌表

劉氏從九品解青桂妻二十八歲夫亡撫胞姪如已出事翁姑  
以孝聞光緒六年旌表

劉氏周如宗妻二十五歲夫亡矢志守節撫幼子慈事翁姑孝  
王氏杜義隆妻二十八歲夫亡矢志守節貞靜自持人無間言  
六十四歲卒

范氏杜瑞松妻二十八歲夫亡翁姑欲嫁之氏志堅節勁至死

靡他卒年六十五歲

劉氏崔祿妻二十一歲夫亡守節現年七十八歲光緒五年旌表

郭氏文生劉夢卜妻二十七歲夫亡無子過姪為嗣夫志守節事姑至孝奉旨旌表

李氏劉炯妻十八歲夫亡無子守節堅如金石鄉里賢之現年七十有四

張氏例貢宗鶴齡妻二十七歲夫亡撫子守節事姑盡孝邑令為之旌表

劉氏宗占鰲妻二十歲夫亡撫子成人貞靜自守事翁姑孝敬

鄉人重之現六十五歲

宗氏劉淑之之妻十九歲夫亡矢志守節堅比金石以紡績為業撫一女適于室亦以孝聞

范氏胡光輝妻二十一歲夫亡撫一女矢志堅守孝事翁姑過堂姪為嗣守節六十年八十一歲而卒

王氏胡麟臺妻夫故氏年二十九守一子一女紡績度日守節五十三年

都氏胡光瑞妻夫亡氏年二十八撫孤子方三月家極貧寒事親盡孝守節五十五年

吳氏胡春初妻夫亡氏年二十九守節五十年

李氏李永慶妻二十六歲夫亡清節自守至八十餘歲而卒  
張氏王鳳亭妻二十三歲夫亡貧無立錫貞節自勵事親教子  
各盡其道八十一歲而終

于氏張開業妻二十歲于歸二十四歲夫亡家寒氏紡績以侍  
姑教子有方五十七歲卒光緒五年旌表

王氏庠生撒梅霖妻二十四歲夫亡無子有夫弟爛雲賴氏善  
撫之得入邑庠光緒四年旌表

范氏撒智霖妻光緒六年旌表

王氏撒沛霖妻光緒六年旌表

賈氏趙維萃妻夫亡無子堅志守節孝事翁姑苦節數十年鄉

里共稱之

李氏苗法立妻年二十四歲夫亡矢志堅貞節孝兼全光緒八年旌表

馮氏例貞張保元妻三十歲夫亡矢志冰霜備歷艱苦過甥男為嗣盡心教養未嘗稍懈卒年七十三歲光緒九年旌表入節孝祠

張氏郭鳳魁妻二十八歲夫亡家貧守節紡織以養翁姑撫三子以成人卒年六十九歲

李氏劉成士妻夫亡氏二十五歲二子皆幼矢志苦節撫之成人

劉氏解淮妻二十六歲夫亡守節四十年已蒙旌表

王氏解瀆妻二十七歲守節光緒九年旌表

魏氏解仙雲妻二十二歲夫亡守節光緒九年旌表

馬氏解朴妻二十一歲夫亡守節光緒十年旌表

陳氏解文祥妻二十五歲守節撫孤經理產業漸致豐裕氏力

居多光緒十年旌表

齊氏丁樹堂妻二十六歲夫亡貞節自守撫子成人九十二歲

卒

王氏丁金台妻二十五歲夫亡堅貞自守孝事翁姑勤儉持家

撫遺腹子成人



廣信縣志  
卷之七  
四十一  
劉氏丁道三妻二十五歲夫亡撫二子成人守節不渝

張氏丁壽眉妻二十八歲夫亡矢志堅貞終身不渝

邵氏李之崑妻二十歲夫亡日夜悲泣痛不欲生因念高堂無人奉養稚子未離襁褓苦志自守里黨咸敬之光緒十一年蒙  
順天學政許申請旌表六十七歲卒

趙氏秦澂妻二十四歲夫亡貞節自守光緒十一年旌表

劉氏王認妻二十四歲守節奉旨旌表

馬氏王光著妻二十一歲守節奉旨旌表

王氏鄭協妻二十五歲夫亡矢志守節終身不渝光緒十三年

旌表

張氏徐鳳山妻三十歲守節艱苦備嘗矢志靡他

郝氏徐贊文妻二十歲夫亡矢志守節孝事舅姑四十餘年未嘗稍懈

張氏徐欽若妻二十九歲夫亡無子以夫胞姪為嗣堅守苦節訓子印堂八津卒年七十九歲

王氏朱琴妻二十六歲夫亡子甫二歲勤儉持家矢志靡他撫子成人年四十八歲卒

張氏增生王由中妻二十七歲守節翁歿葬祭盡禮撫幼孤三人教養備至子椿林孫耀丙俱入邑庠現年八十歲光緒十三

年直督李學使徐奏請旌表入節孝祠有松貞荻訓四字匾額

慶雲縣志 卷之四  
五十一  
趙氏撒觀潮妻夫歿翁老子幼家貧氏事翁至孝訓子有方於  
光緒十三年奉旨旌表

張氏楊輝五妻二十七歲夫亡氏念二老無依誓無他志翁姑  
歿後喪葬盡禮氏無所出以族弟之子為嗣現年八十二歲

徐氏何如智妻二十八歲夫亡矢志守節艱苦度日撫二子成  
人現年七十歲

徐氏何珣林妻二十九歲夫亡屏華飾勤紡織撫育子女誓無  
他志年八十歲卒旌表

張氏丁陳常妻二十六歲夫亡事姑孝順言語正直年八十七  
歲卒

趙氏張廷槐妻二十四歲夫亡矢志守節始終不渝年七十歲卒有慈竹長青匾額

陳氏張如瑚妻二十五歲夫亡苦志守節紡織度日二十餘年家道漸豐子孫滿堂鄉里共推重焉旌表

王氏趙金魁妻二十八歲夫亡矢志守節孝敬翁姑撫二子成立八十歲而卒旌表

趙氏張如璉妻二十歲夫亡苦心守節有遺姪甫八月撫養如己子宗族節義稱之六十二歲卒旌表

王氏鄭繼業妻二十歲守節持家勤儉事親最孝鄰里重之現五十五歲

張氏鄭連奎妻二十九歲夫亡與姑紡織撫養子女歷年餘姑又逝世矢志守節終身不渝邑令表以栢節松筠

王氏周玉錫妻二十八歲夫亡矢志守節孝敬翁姑課子勤學年六十八歲卒

李氏鄭惠東妻二十五歲夫亡守節躬親紡織歷盡艱難撫二子一女教以成人鄉人皆稱贊之

李氏劉輝堂妻二十六歲夫亡事親撫孤慈孝兼全里人皆敬之

李氏劉長德妻二十四歲夫亡矢志堅貞撫育幼子成人始終不苟鄉鄰皆重之

王氏張學顏妻夫亡節孝兼全善持家道族里皆稱頌焉現六十七歲

張氏張學曾妻二十三歲夫亡守節誓無他志孝事翁姑合鄉皆敬焉現七十歲

徐氏劉光祿妻二十五歲夫亡矢志守節養老慈幼始終不渝凡有言動皆中規矩現六十歲

曾氏王長太妻二十六歲夫亡矢志靡他過堂姪為嗣不數年嗣子又亡子媳李氏孀居兩世節孝有匾額光於門閭曾氏七十七歲卒李氏現年五十二歲

楊氏王元升妻二十五歲夫亡苦節純孝教養孤子賢德兼備

現五十四歲

丁氏王元太妻二十歲夫亡以姪為嗣教養有方現五十一歲  
李氏王元治妻二十九歲夫亡苦節自持撫養孤子成人永無  
懈怠現五十七歲

牟氏李玉衡妻二十八歲夫亡矢志守節孝慈兼備和睦妯娌  
貞靜可風現八十五歲

郭氏孫溪南妻二十歲夫亡無子女守節堅貞永無他志現五  
十一歲

王氏袁鳳三妻二十三歲夫亡撫遺腹子家清貧勤紡績供子  
讀書及應試子又亡一生歷盡艱辛殊堪惻憫六十五歲卒

蔣氏范瑞妻十九歲夫亡無子女孝養翁姑淑德可風蒙學政  
徐奏請旌表年六十五歲卒

楊氏范瓚之妻三十歲夫亡無翁姑與孀嫂蔣氏同居撫幼子  
織紡度日現七十四歲

趙氏劉寶三妻二十四歲夫亡冰霜苦節矢志不渝

薛氏秦堦妻二十五歲夫亡守節貞靜自持訓子有方子樹楠  
入邑庠光緒十四年旌表

章氏庠生張策之妻章士傑之女二十餘歲夫亡子問政方四  
歲家貧甚氏紡織易粟教子入泮八十六歲卒光緒十四年旌  
表入祠



鄭氏庠生張問政之妻夫亡家清貧姑年老幼子在抱氏勤操  
紡織易粟以養姑歿率子雲亭喪葬以禮克盡婦道延師訓子  
教以義方勤儉持家甘苦備嘗復教幼孫毓鑫成家道漸康  
七十八歲卒光緒十四年旌表入祠

李氏張金谷妻十七歲夫禦賊陣亡矢志守節孝事孀姑始終  
不懈教養嗣子讀書成名光緒十四年旌表

都氏劉景善妻孤節自守光緒十五年恩賜匾額

劉氏周秀媚妻二十二歲夫亡守節光緒十五年旌表

劉氏劉然銅妻二十一歲夫亡矢志守節現年七十三歲

高氏范世元妻二十六歲夫亡守節光緒十六年旌表

吳氏胡自強妻十九歲夫故夫志守節誓不他適光緒十六年旌表

李氏王如陵妻二十歲夫亡撫幼孤甫二歲貞節自守後子自顯成立光緒十六年旌表卒年七十八歲

胡氏劉成舉妻二十五歲夫亡光緒十八年旌表

于氏劉書林妻二十二歲夫亡撫二女勵節冰霜始終不渝現五十三歲

馮氏例貢李壽山妻夫亡氏十八歲夫志守節終身不渝光緒二十年旌表

趙氏黃峻嶺妻二十歲夫亡夫志堅守冰清玉潔苦節五十餘

年旌表

朱氏趙升雲妻十九歲夫亡撫幼孤勤紡織貞節堅守四十年  
如一日鄉里皆稱贊之

趙氏劉澤長妻二十三歲夫亡事翁最孝貞節自持現五十四  
歲

王氏邢元凱妻二十歲夫亡矢志靡他節婉松栢現五十歲

齊氏胡玉璞妻夫亡守節光緒二十一年旌表

師氏胡玉琨妻夫亡守節光緒二十一年旌表

張蘭芳之妻宗氏宗鵬飛之女夫亡年二十六歲撫一子邦正

守志不渝年八十餘卒光緒二十二年旌表

張桐之妻魏榮之女夫亡氏年二十五歲遺一子蘭芳苦節自  
矢年六十四歲卒光緒二十四年旌表

孫氏張汝瀛妻同治七年汝瀛殉難時氏年二十四歲撫姪燿  
墀若已出俾從師讀書破產供給燿墀賴以成名光緒二十五  
年旌表

周氏張心田妻同治七年心田殉時氏年二十歲守節以事翁  
姑里黨無間言光緒二十五年旌表

李氏張勝三妻同治七年勝三殉難時氏年十八歲堅志守節  
光緒二十五年旌表

王氏鄭和妻二十六歲夫亡苦心矢志節勵冰霜光緒二十六

年旌表

田氏馮殿魁妻二十四歲夫亡毅然自誓紡織苦守撫幼叔成  
立鄉人重其貞節

王氏張信陽妻三十歲夫禦匪陣亡矢志守節現年七十九歲  
范氏張福田妻二十一歲夫亡無子矢志守節年八十四歲申  
請旌表

王氏張永寬妻二十三歲夫亡無子矢志守節七十歲卒申請  
旌表

周氏張道三繼妻二十四歲夫亡子女俱無矢志守節現六十  
八歲光緒二十六年申請旌表

王氏張戒三妻三十歲夫亡矢志守節撫養嗣子現七十八歲  
光緒二十六年申請旌表

杜氏王漢三繼妻二十三歲夫亡矢志守節八十三歲卒申請  
旌表

王氏王寶三妻二十五歲夫亡矢志守節八十七歲申請旌表  
張氏武生董雲桂繼妻二十三歲夫禦匪陣亡子女俱無矢志  
守節奉養翁姑孝敬備至現六十九歲申請旌表

王氏范世乾妻十九歲于歸孝翁姑克盡婦道後遭搶匪夫被  
裹去不數年翁姑相繼亡葬祭盡禮持家勤儉壽將八旬有孫  
曾孫鄉黨咸敬之申請旌表

胡氏王澤林妻二十六歲夫亡矢志守節現五十一歲

馮氏王有妻二十八歲夫亡守節撫孤成立現六十四歲

馬氏王克昌妻二十九歲夫亡守節堅貞現七十二歲

楊氏賈贊妻十九歲夫亡矢志守節八十七歲卒旌表

張氏賈克受妻二十四歲夫亡守節冰清玉潔現六十五歲旌

表

王氏賈保禮妻二十一歲夫亡貞節自守夫志靡他現年六十

八歲

馮氏賈萬春妻二十五歲夫亡守節現六十三歲

楊氏賈世澤妻二十五歲夫亡守節上奉孀姑克盡孝敬下撫

孤子已食廩餼學使劉公旌其門曰彤管嗣徽

吳氏常殿弼妻二十四歲夫亡事孀姑備盡孝敬望重鄉里現七十六歲

紀氏例貞生劉鏡堂妻二十四歲夫亡守節七十歲卒

孫氏劉桂熙妻二十二歲夫亡矢志守節孝敬翁姑撫育嗣子鄉里頌其賢公送匾額曰志潔行芳

李氏劉鐘成妻二十六歲夫亡守節現六十五歲

張氏李華峯妻二十五歲守節卒年八十二歲詳請旌表

劉氏王奎堂妻二十八歲夫亡守節七十五歲卒

張氏賈儼之妻二十五歲夫亡守節事翁克盡孝敬人無間言



詳請旌表

張氏文序生李之瀛妻二十五歲夫亡守志現六十九歲光緒二十九年詳請旌表

石氏張俊山妻二十三歲夫亡守節現五十六歲

秦氏鄧蔭堂妻二十四歲夫亡守節現五十六歲

張氏李天池妻二十三歲夫亡守節室如懸磬日不舉火孀婦幼子相對長號苦節以終卒年七十六歲

李氏楊金堂妻二十五歲夫亡矢志守節卒年七十五歲

孟氏楊宗緒妻二十二歲夫亡守節現七十九歲

宗氏王雙峰妻十九歲夫亡無子三十年來操井白勤紡織貞

靜自持人共欽之現五十六歲

姜氏張利妻二十歲夫亡姑早歿貞節自矢勤勞異常旌表

陳氏魏振功妻二十六歲夫亡無子撫姪慈愛持家有道現五

十六歲

馮氏王永清妻二十五歲夫亡矢志守節撫一子景孟成立卒

年七十五歲申請旌表

黃氏王克讓妻二十二歲夫亡貞節自持撫一子鳳來成立卒

年七十二歲申請旌表

喬氏張兆齡妻二十二歲夫亡矢志守節終身不渝現年八十

一歲

董氏張鴻昇妻二十三歲夫亡矢志守節撫一子成立卒年八十二歲申請旌表

王氏王道成妻十九歲夫亡守節子女皆無卒年五十六歲

王氏文庠生鄭建言妻二十一歲夫亡守節堅貞始終不渝撫一子成立卒年七十二歲

于氏胡建申妻二十三歲夫亡矢志守節過姪為嗣卒年五十九歲申請旌表

劉氏胡鵬山妻二十二歲夫亡守節現年七十一歲

劉氏周玉章妻二十一歲夫亡守節光緒二十七年旌表

李氏宗儒林妻二十四歲夫亡事姑教子孝慈兼盡光緒二十

七年旌表

韋氏陳說妻二十四歲夫亡無子女勤紡織孝以事親家道漸豐氏仍樸素自持守節三十八年光緒二十八年旌表

閻氏于鳳來妻於同治七年夫亡守節經理家務薄己厚人鄰里皆感德焉光緒二十九年旌表現年七十六歲

張氏秦敬賢妻二十七歲夫亡貞心守節紡績度日光緒二十九年旌表

逢氏王恒山妻二十四歲夫亡守節事姑撫子咸盡其道光緒三十年旌表入節孝祠

撒氏李鑑堂妻二十四歲夫亡撫養幼子孝事翁姑里人皆敬

之

尹氏鄭兆祥妻三十歲夫亡矢志守節勤儉治家庭師課子頗有柳丸歐荻之風現六十二歲

高氏張元信妻三十歲夫亡有遺腹子教育成立現六十二歲  
王氏張大魁妻二十五歲夫亡孝事舅姑慈撫幼孤冰霜之操始終如一現五十五歲

布氏王天辰妻三十歲夫亡上事翁姑下撫幼子人無間言里黨送節孝二字匾額現六十三歲

馬氏邢乾元妻夫故時氏年十八子女皆無氏上事翁姑下撫嗣子賢孝聞於鄉里光緒庚子遭回匪之亂被戕身死時年六

十六歲

高氏孫於忠妻二十二歲夫亡無子女可撫無兄弟可依事姑  
盡孝苦節四十三年鄉里皆重之現年六十五歲

馮氏劉文閣妻夫亡守節已蒙旌表

胡氏魏尊九妻年二十三歲夫亡無子孝事翁姑貞節自勵後  
翁姑俱歿歸依母家終不以貧苦改操現年七十六歲

陳氏劉貞元妻二十二歲夫亡守節七十八歲而終

劉氏劉汝楫妻於同治七年遇賊殉難氏貞節自守終身不渝  
現年八十一歲

王氏馬霄之妻二十一歲夫亡守節事親撫孤孝慈兼盡已蒙

旌表恩賜匾額志勵松筠

于氏張書田妻二十二歲夫亡貞節自持七十五歲而終

趙氏張恒太妻夫亡守節已蒙旌表

李氏監生艾繼志妻二十二歲夫亡無子守節不渝現年七十  
八歲

陳氏李壽山妻二十歲夫亡無子守節不渝現年五十七歲

劉氏劉三登妻子歸後夫即出外年久不回翁姑又歿貧無所  
依不得已歸于母家終不他適而夫亦未歸年七十七歲而卒  
任氏童生胡有典妻二十二歲夫亡撫一子守節年六十一歲

旌表

董氏童生賈嶽松妻二十九歲夫亡撫二子守節年六十歲旌表

王氏賈湯盤妻二十七歲夫亡撫一子守節年七十五歲卒已蒙旌表

劉氏楊景文妻二十六歲夫亡撫一子守節現年七十餘歲

閻氏楊偉妻二十三歲夫亡撫二子守節年八十三歲卒已蒙旌表

傅氏楊仁妻二十六歲夫亡矢志守節年六十八歲卒已蒙旌表

牛氏王連科妻年二十九歲夫亡無子孝事翁姑矢志守節現



年五十六歲

馬氏程冠三妻幼嫻母訓于歸後年二十三歲夫故事翁姑至孝扶幼子勤儉度日夫志守節玉潔冰清翁姑歿哀禮俱盡生母患癱疾十餘年貧苦無以為養氏每歸寧奉侍不離床側晝夜工作草辦藉資供養孝行堪風鄰里咸稱慕之年六十五歲卒業蒙旌表

竇氏張如山妻同治戊辰捻匪入境夫遇難氏年二十六歲以夫死非命痛不欲生或勸其他適答曰婦隨夫亡烈也吾之所以不死者因呱呱在懷為張家留一線之延如他適非惟無顏對吾夫於地下有何面見親鄰乎後有論氏之苦節者每多為

之墮淚

尹氏馬欽敬妻二十四歲夫亡家赤貧矢志守節撫嗣子如已出紡績度日以勤儉餘資而自奉皆嗇或曰年已邁何耐苦如此氏曰欲以延夫續耳

梁氏馬錫慶妻二十一歲夫亡守節已蒙旌表

楊氏武德騎尉馬景春妻二十歲夫亡事孀姑曲盡孝道待諸姪視如己出子奇峯廩生奉旨旌表入節孝祠

何氏張會元妻二十六歲夫亡守節邑令吳公申請旌表

丁氏內閣供事傅雲亭妻二十三歲夫亡守節愛嗣子如己出

現年五十七歲

慶雲具三  
頁一  
劉氏傅雲從妻二十五歲夫亡守節撫三子成立今四十七歲  
任氏文生劉厚凱妻二十六歲夫亡家貧事嗣姑極盡孝養十  
餘年無惰容撫二子讀書成立卒年六十五歲

康氏胡其仁妻三十歲夫亡氏上事翁姑下撫子女勤儉持家  
始終不懈現年六十七歲

劉氏胡殿柱妻二十六歲夫亡守節家極貧孝姑慈孤備盡其  
道現年八十歲

石氏馬逢春妻同治七年夫率眾禦賊被害氏年二十三歲或  
勸改適氏曰夫陣亡我無生理今之不即死者第以翁姑在耳  
愛嗣子如己出邑令汪公申請旌表現年七十歲

范氏亦可興妻二十八歲夫亡孝事翁姑三十餘年無倦色翁姑病卧三四年侍奉湯藥不敢稍懈視嗣子如己出邑令夏公申請旌表現年八十歲

董氏周戶妻夫亡時氏二十歲孝養翁姑慈愛諸姪人咸稱之  
韋氏李善妻事翁姑孝養兼至待夫弟及妹亦極友愛同治七年夫亡氏年二十歲欲以身殉嫂曰若死安得為孝氏放聲哭曰非以親在誰能勸我不死奉旨旌表

陳氏監生馬龍閣妻二十一歲夫亡守節現年五十九歲  
郝氏馬龍翔妻二十一歲夫亡守節現年五十三歲

王氏劉芳池妻二十八歲夫亡守節邑令章公為之請旌

鄭氏范同聲妻二十四歲夫亡守節已蒙旌表

吳氏趙世德妻二十八歲夫亡守節現年七十二歲

劉氏胡作雲妻十八歲夫亡守節無子女謹慎事姑曲盡孝敬

過族姪務義承嗣為之娶妻止生一女未幾務義亡過族孫思

恭承嗣又為娶妻生一子二女無何思恭又亡氏率寡媳幼孫

勤儉度日始終不懈縣令夏公為之請旌現年七十歲

李氏胡務義妻十九歲夫亡無子過侄為嗣越二年病故氏上

事姑以孝下待寡媳幼孫以慈現年六十一歲

王氏胡大田妻二十歲夫亡矢志守節孝事翁姑現年五十四

歲

周氏胡同賞妻二十三歲夫亡守節事翁姑備盡孝敬現年七十四歲

周氏胡殿楨妻二十六歲夫亡無子矢志守節殿楨係出嗣氏曲意孝順嗣姑後立一嗣子勤儉持家縣令賀公為之請旌

崔氏胡繼長妻二十四歲夫亡繼姑劉氏病故遺一子甫二歲氏晝夜撫育視弟如子不辭辛苦恩養成立鄉里皆敬之現年五十六歲

胡氏郎寶恒妻二十二歲夫亡矢志守節事親撫孤孝慈兼盡現年六十歲

于氏馬夢冠妻二十歲夫亡惟一女無尺寸土歸依母家紡績

度日艱苦備嘗年逾八旬而終鄉里為之請旌

李氏丁輝斗妻二十五歲夫亡矢志栢舟事親以孝課子以學  
子道承入泮呈請順天學政潘賜以松心荻訓匾額壽七十九  
歲從祀節孝祠

姜氏石東瀛妻二十一歲夫亡光緒三十年旌表

鄭氏胡聖林妻二十七歲夫亡光緒三十一年旌表

韋氏李長興妻夫亡時氏三十歲矢志守節過姪為嗣現年七  
十六歲

馬氏增生王文棟妻夫亡時氏年三十歲守節現年六十二歲

紀氏齊崑榮妻年二十七歲夫亡遺一子未幾而卒僅遺一幼

孫婦張氏方二十七歲姑媳二人互相勸勉撫養幼孤終使成立奉旨旌表曰姑媳雙節

張氏齊萬笏妻二十五歲夫亡有子僅五歲苦節堅守訓子有方鄉里賢之光緒三十二年旌表

韓氏胡維信妻二十七歲夫亡守節事親撫孤孝慈備至八十四歲卒

李氏解肅亭妻二十四歲夫亡守節事親盡孝教子有方現年六十九歲

胡氏胡煬才妻二十九歲夫亡矢志守節事親撫孤備盡孝慈卒年六十八歲



胡氏張鴻恩妻二十六歲夫故栢舟矢志堅比金石事親備盡  
孝敬持家井井有條光緒三十四年旌表

胡氏馬恩普妻二十五歲夫亡事翁姑備盡孝敬撫二子皆成  
立紡績苦度井井親操冰清玉潔矢志靡他年逾六旬申請旌  
表

張氏太學生馬萬春妻年二十六歲夫亡子秀峯尚幼事姑甚  
孝教子有方躬親紡績苦節自守現年七十八歲

孫氏郭學儒妻二十歲夫亡家貧或勸其他適氏堅守不從紡  
績度日教子成人孀居五十餘年業已旌表

許氏趙文忠妻二十四歲夫故無子撫姪雲閣為嗣未幾雲閣

又亡氏與孀媳吳氏夫志守節始終不渝均蒙旌表

高氏郭教妻二十歲守節現年五十八歲

胡氏郭騰雲妻二十歲守節現年五十一歲

樊氏田振之妻二十四歲夫亡孝事翁姑慈撫子女現年七十  
六歲

苗氏田安之妻二十八歲夫亡誓守貞節紡績度日卒年六十  
七歲

段氏田鍾秀妻二十七歲夫亡矢志守節終身不渝已蒙旌表  
趙氏李通妻三十歲夫亡無子撫其姪為嗣勤儉持家誓無他  
志年六十三歲卒

王氏李慶元妻三十歲守節無子撫其姪為嗣年六十七歲卒  
李氏苗登新妻二十三歲夫故子女俱無過姪為嗣苦節三十  
年已蒙旌表

王氏齊鴻達妻二十歲夫亡苦心守節現年五十三歲

楊氏趙丕星妻二十八歲守節事孀姑撫子女終身不懈年五  
十九歲卒

楊氏趙丕閏妻二十四歲夫亡撫遺孤成立勤儉持家二十七  
歲已蒙旌表

胡氏張寶山妻三十歲守節現年六十九歲

徐氏呂連山妻二十九歲夫亡守節現年五十歲

王氏李虎明妻二十七歲夫亡家貧守節織紡自給年六十九歲卒

張式崔式銘妻二十三歲夫亡勵志守節撫遺子雨田成立現年六十六歲

苗氏王玉成妻同治七年玉成禦賊陣亡氏年二十八歲孝翁姑撫遺子以守節自誓年六十二歲卒

崔氏監生苗華我妻夫故時氏年二十四歲事親撫孤孝慈兼盡未幾子登嶽又亡氏與孀媳馮氏撫弱孫辛苦備嘗冰操愈堅皆九十歲卒

張氏苗登第妻三十歲夫故矢志守節撫子成立孝事舅姑始

終無間年六十六歲卒

崔氏王松嶺妻三十歲夫亡翁姑亦相繼歿氏內外經理喪葬以禮苦節五十餘年八十一歲卒

胡氏王宗尼妻自三十歲守節現年六十二歲

苗氏王廷陽妻自二十三年守節現年五十五歲

劉氏王聰妻自三十歲守節現年七十一歲

呂氏苗登程妻自二十五歲守節現年五十七歲

高氏將顯謨妻二十六歲夫亡自誓守節後得遺腹子苦志撫養雖屢遭歲歉家無宿糧而氏并白躬操紡績度日子長延師訓誨鄉里有聲六十九歲卒

張氏蔣廷舉妻二十八歲夫亡止遺一幼女境已難堪未幾伯  
兄季弟相繼而亡二姪皆幼翁年已高氏躬率婦妯以盡孝道  
撫育二姪無異己女翁歿後營葬盡禮現年七十四歲

李氏蔣顯凱妻同治戊辰之變顯凱殉難時氏年三十歲躬親  
跋涉卒得夫屍營葬後苦志守節家貧紡績度日撫育兩子均  
能成人現年七十八歲

劉氏蔣寶亭妻二十八歲夫亡遺孤子撫育成立翁姑皆逾六  
旬氏養老撫孤孝慈兼盡志節之堅鄉里無間言

張氏侯延緒妻于歸未久延緒即亡時氏年二十三歲矢志守  
節三十年如一日現年五十三歲

劉氏附貢生劉藝林之女也許配鹽山刁莊張公某子菊氏年十六歲菊病故氏栢舟自夫願終身在家孝事父母或憐而勸之堅不可奪張姓以氏節烈可敬合族公議為之請旌建坊入祠立嗣子金囊

劉氏解峻霄妻二十五歲夫亡事姑撫孤克嗣徽音與其姑李氏同時旌表入祠

王氏生員苗登嶠妻三十歲夫亡子女俱幼俯仰無依躬親操作備歷艱苦守節六十年九十一歲卒

苗氏王占藩妻二十歲夫亡子女俱無矢志守節事翁姑親紡績咸盡婦道鄉里賢之現年五十歲

馬氏苗安圖妻三十歲夫亡子女俱幼堅守苦節不辭艱辛現年五十五歲

杜氏于紹唐之母二十五歲夫亡守節上而孝事翁姑下而教育子女始終不渝壽七十三歲卒

吳氏胡強恕妻海豐名士吳光第之胞妹二十九歲夫亡夫志守節孝事乃翁後翁得偏枯疾氏侍奉湯藥不間寒暑鄉鄰以孝聞光緒十六年奉旨旌表

閻氏楊廷樑妻二十六歲夫亡氏將以身殉復思翁姑在上幼兒在下不得不苟延殘喘事親撫子數十年如一日不辭勞瘁奉旨旌表



唐書具三  
卷之三  
六、ノ  
章氏張煥之妻二十八歲夫亡無子止遺一女翁姑皆年高氏  
孝事終身苦節自勵嗣子立均光緒三十年旌表

丁氏章可均妻二十四歲夫亡子女皆無立姪金城為嗣苦節  
終身光緒三十四年旌表

齊氏喬楚玉妻二十三歲夫亡遺孤子僅四歲栢舟自夫備歷  
艱辛鄉黨嘉之邑令為之請旌年八十五歲卒

陳氏王九川妻二十歲夫亡翁姑既老孤子又幼氏始終以節  
自持奉養鞠育各盡其道奉旨旌表

范氏于文妻二十三歲夫亡自誓守節事姑以孝撫孤以慈里  
人重之為之請旌現年七十一歲

劉氏鄭孚先妻二十四歲夫亡矢志守節旌表節孝年七十六歲卒

韓氏于觀山妻二十二歲夫亡子女俱無矢志守節孝事翁姑里人為之請旌

張氏廩膳生崔路常妻二十八歲夫亡撫遺腹子勤儉持家教子入庠苦節四十年現年六十七歲

王氏馬蓉峯之妻二十三歲夫故孝事翁姑撫養抱兒勤儉治家供給幼子讀書後家道漸康又嗜濟老憐貧光緒二年秋八月禾未熟而霜至鄉民大饑氏出粟數十石賑濟窮苦未至流離失所族鄰皆稱之子龍濱一生薄己厚人不失忠厚家風人

以為悉本母氏之教云五十八歲卒業蒙旌表

楊氏陳廷芝妻二十五歲夫亡家貧紡績度日上侍舅姑下撫  
二子鄉人嘉之已蒙旌表

楊氏解登雲妻二十五歲夫亡守節三十九年已蒙旌表

周氏解曇雲妻二十四歲夫亡守節四十年已蒙旌表

劉氏胡之銘妻夫亡氏二十八歲守節冰清玉潔年六十三歲  
卒

胡氏杜寅清妻二十四歲夫亡夫志守節堅比金石六十七歲  
卒

胡氏王保祥妻二十三歲夫亡貞節自守始終不渝現年七十

二歲

尹氏秦同三妻二十五歲夫亡矢志守節事姑備盡孝敬撫遺腹子述韓成立興家立業族人省三之孫女及守先之女皆賴鞠養成人備嘗艱苦毫無間言現年八十歲

李氏張德瑛妻年二十一歲夫亡止遺一女氏孝事翁姑慈愛幼女勤紡績操井白艱苦備嘗過張德玲之子永昌為嗣

劉氏馮長明妻二十二歲夫亡家貧遺子二歲矢志守節事翁姑盡孝紡績度日艱辛備嘗撫子成家業漸裕現年六十四歲

胡氏李藝林妻年二十九歲夫亡矢志堅貞教遺孤清芬讀書

二十歲入邑庠天之不負苦心人也觀此益信

劉氏李登崑妻二十九歲夫亡家貧無子苦守清節四十餘年人皆重之

張氏李文魁妻二十七歲夫亡勵節教子初終不異人皆稱之  
姚氏勾朋良妻二十一歲夫亡夫志守節堅貞自持後教長孫書潤讀書入邑庠鄉里皆敬之

周氏王玉琳妻二十三歲夫亡守節夫志清貞撫養遺子教育義方人皆重之

韓氏劉義士妻夫亡時氏年二十五歲守節卒年四十七歲  
田氏姚大本妻夫死時氏年二十七歲守節卒年八十有五

鄭氏姚盛輝妻夫亡時氏年二十三歲守節卒年七十八歲

劉氏陳清江妻二十二歲夫亡矢志守節堅如金石上事翁姑  
下撫幼子孝慈兼盡現年六十五歲里人為之請旌並額其門  
曰冰清玉潔

柳氏解建庚妻二十五歲夫亡守節撫孤勤勞紡績終身布衣  
蔬食已蒙旌表

馬氏解道符妻二十一歲夫亡子女俱無苦節三十年已蒙旌  
表

鄧氏解麗妻二十二歲夫亡守節四十四年已蒙旌表

馬氏解道昌妻二十五歲夫亡守節紡績自給九十歲而終

張氏馬一峯之妻二十二歲夫遭搶匪殉難氏扶幼子事祖姑及繼姑俱以孝聞勤儉持家井臼親操日課子讀媳織井井有條洎祖姑歿事繼姑如生母旌表後年六十一歲先繼姑而卒繼姑痛切異常幾廢寢食聞者傷之氏之至孝所感可慨見矣李氏吳連輝妻二十八歲夫亡守節治家勤儉事親最孝鄉鄰皆稱贊之

王氏吳秀琪妻年二十二歲夫亡堅守苦節始終不渝課遺孤書閣入邑庠人皆比之孟母

劉氏劉景伯妻增生子元母文庠生劉式行之女也式行止一女愛而誨之自四子書以及五經皆能通其大略及適景伯三

年景伯得瘡症而歿時氏年二十歲子元纔彌月氏欲以身殉  
翁姑勸以撫孤為急氏於奉翁姑外教子元書迨至學制藝始  
令從外傅故子元一出獲售慈訓力也年七十四歲

張氏武童唐錫桐妻性淑貞十九歲夫故矢志守節事姑至孝  
子女皆無過姪增廣生現伍為嗣勤儉持家井井有條鄰里皆  
欽敬之業已旌表

傅氏文生唐封桐妻二十歲夫故事姑盡禮撫遺子鴻圖苦節  
自守始終不逾已奉旌表

張氏盧錫相妻二十八歲守節已旌表

蔣氏唐蘭亭妻過門三日遇戊辰捻匪之亂姑崔氏拒賊遇害



慶雲具  
夫為母復讐賊被殺而亡氏年十七歲苦節自守冰清玉潔  
過侄文生連義為嗣已旌表

姜氏石東瀛妻夫故子女皆無過姪政甫為嗣已旌表

李氏劉綬卿妻二十九歲夫亡家極貧撫孤子幼女貞節自守  
艱辛備嘗後其子喜成興家立業現年六十八歲

鄭氏劉子儀妻二十三歲夫亡撫一女矢志守節玉潔冰清現  
年五十三歲

高氏王夢權妻二十八歲夫亡撫孤子清節自守始終不渝八  
十六歲卒

劉氏石先綬妻二十三歲夫亡撫孤子清節自守事翁姑備盡

孝敬六十六歲卒

胡氏孫石林之妻年十九歲夫亡矢志守節事翁姑備盡孝敬  
淑貞之德鄉里敬重

高氏孫鳳雲之妻二十四歲夫亡撫一子清貞自持始終不渝  
現年七十三歲冰清玉潔人皆稱之

張氏王坤之妻同治七年捻匪擾境坤殉難時氏年二十三歲  
守節六十七歲年宣統元年旌表

孫氏劉之衡妻二十二歲夫亡宣統元年旌表

于氏何名棠之妻二十三歲夫亡宣統元年旌表

丁氏劉雲潭之妻二十七歲夫亡貞節自矢十年之間不出閨

閨鄰里欽服其養老撫幼尤能曲盡孝慈卒年八十有九歲

張氏賈希憲妻二十五歲夫亡矢志守節翁姑稱孝無子女宣

統二年旌表

劉氏王江妻二十四歲夫亡矢志守節人無間言現年七十四  
歲

周氏何如梅妻十八歲夫亡無子女幾不欲生念二老無依夫  
志守節孝養翁姑姑病日則侍奉湯藥夜必焚香禱祝願以身  
代姑卒竭力營葬終身屏脂粉勤紡績聞者咸敬之後過族子  
為嗣現年四十八歲

張氏侯鳳亭妻二十四歲夫亡矢志栢舟上事翁姑下撫幼子

克孝克慈守節四十餘年里人共稱之

張氏崔榮光妻三十歲夫亡苦守貞節撫養子女七十餘歲而卒

胡氏王錫爵妻三十歲夫亡矢志守節孝事翁姑慈撫子女冰霜之操人無間言現七十餘歲

賈氏王榮慶妻三十歲夫亡子女俱幼矢志貞守上事翁姑下撫子女孝慈克盡守節二十餘年鄉人皆稱焉

邱氏路振基妻二十四歲夫亡子甫四歲矢志貞守上事翁姑下撫幼子孝慈皆備守節五十餘年而卒

田氏庠生秦榮藻妻二十九歲夫亡夫志靡他孝事翁姑教育

幼子名承烈弱冠入邑庠後授官正軍校氏誥封宜人

楊氏童生秦榮綬妻二十二歲夫亡子甫三歲矢志守節孝翁姑撫幼子幽嫻貞靜鄰里共稱焉子承緒高等小學校畢業

劉氏庠生秦榮翰妻二十四歲夫亡子甫六月貞節自守矢志不渝事翁姑恤幼子孝慈備至主中饋二十餘年無怨言子承訓在高等小學校肄業

張氏于志龍妻年二十歲其夫因勤讀病故夫病謂氏曰吾歿後汝當若何氏泣云汝未讀古井水之句乎何疑吾守節五十  
四歲未及旌表而卒

張氏于靜元妻喜讀書年十八歲于歸紡績之暇看四字女箴

感應等篇二十歲夫故氏守節孝事翁姑視嗣子如已出現年五十歲宣統三年旌表

賈氏王雲亭妻二十五歲夫過難亡氏貞節自守總理家政豐儉得中愛嗣子如已出六十八歲卒

孫氏王宗周妻二十七歲夫亡家清貧貞節自守艱苦備嘗現年六十四歲

賈氏王者挺妻二十四歲夫亡守節事姑孝敬現年七十六歲  
張氏王經邦妻二十三歲夫亡夫志守節事親備至翁姑重其孝待之厚鄉黨為之請旌表六十五歲卒

張氏楊守中妻二十六歲夫亡守節堅貞業蒙旌表

李氏王希程妻十九歲夫亡遺一子甫六月撫孤度日紡績為生堅守苦節始終不渝六十二歲卒

于氏李玉峯妻係于大龍之季女年十八于歸二十歲夫故氏性聰明嫻禮義繼乃翁姑俱逝總庇家政條理秩然訓子成康膳生

石氏張玉珍妻二十一歲夫故矢志守節堅比金石奉姑孝敬子女皆無過姪見龍為嗣旌表

王氏李福祿妻二十九歲夫亡家極貧氏守苦節以紡績為生活訓子成立里人咸稱之現年七十九歲

劉氏魏尚勇妻二十八歲夫亡矢志守節撫幼子勤紡織以孝

孀姑數十年如一日現年七十九歲鄉里皆敬焉

褚氏范玉亭妻二十三歲夫亡子女俱無孝事孀姑苦心守節  
紡績度日六十五歲卒旌表

趙氏崔承傑之妻二十八歲夫亡矢志靡他同姑撫一幼子事  
姑盡孝道教子有義方及子完婚子婦好和姑媳同居詎意完  
婚僅三載李氏二十一歲夫亦亡祇遺一孤子家境困苦情何  
以堪而李氏玉潔冰清上侍高堂垂裕後昆與趙氏後先媲美  
賢姑賢婦可稱雙節邑令程為之旌表孤子名立業在武郡高  
等學堂畢業

崔氏范進良妻二十六歲夫亡苦志守節善事翁姑撫幼嗣成



人現年五十六歲

李氏劉天時妻二十八歲夫亡矢志守節撫二女事祖父母及翁姑備盡孝敬現年七十九歲

董氏張元開妻二十一歲夫亡撫一女孝事孀姑守節不渝八十一歲卒

劉氏邵清齡妻二十八歲夫亡守二女孝事翁姑現年六十歲  
王氏宗祚修妻年二十五歲夫亡家貧守志子瞽女啞事姑至孝苦節八十三歲卒

劉氏周天廷妻十八歲夫亡矢志冰霜與姑議為堂弟娶妻生二子堂弟亡二子亦亡與弟婦暨姪婦撫孤孫度日時年六十

七歲邑令表曰竹節松筠

姚氏周體德妻年三十歲夫亡撫幼子幼女孝事祖母與姑母  
守節不渝七十五歲卒

苗氏馬友三妻三十歲夫亡苦節守節撫養子女年七十五歲  
卒

苟氏劉來珍妻二十八歲夫亡遺一子撫育成立營葬翁姑克  
盡孝道七十九歲卒

于氏劉雲亭妻二十八歲夫亡撫二幼孤以至成立矢志冰霜  
不苟言笑現年六十一歲

蓋氏劉景漢妻三十歲夫亡矢志守節撫子成立現年六十二

歲

勾氏鄭蘭亭妻二十七歲夫亡撫孤子幼女矢志堅貞現年六十一歲

崔氏王景山妻二十八歲夫亡遺一子一女矢志靡他撫幼孤本勤儉以度日人稱貞節六十八歲卒

陳氏王廷訓妻二十四歲夫亡遺一子孝養舅姑歷久如常幽嫻貞潔人皆稱之八十八歲卒

胡氏王進先妻二十六歲夫亡無子遺二女事姑極盡孝養勤於操作貞潔自持四十八歲卒

張氏王硯田妻二十八歲夫亡守節家貧撫幼孤日夜紡績艱

苦備嘗現年七十八歲

高氏刁克勤妻二十八歲夫亡生一子尚幼家無升斗親自芸  
田撫孤度日備極艱辛後以刀砍柴誤傷而死卒年六十四歲  
刁氏楊天璽妻二十七歲夫亡遺一子甫三歲家無寸土度日  
維艱携幼孤居娘家勤於操作苦節自守五十九歲卒

馬氏王嶺妻二十五歲夫亡無子立堂姪為嗣矢志不渝苦守  
冰節七十九歲卒

孟氏韓壽彭妻二十七歲夫亡撫幼孤勤儉自持節勵冰霜人  
稱貞節

馬氏韓士奇妻二十八歲夫亡遺幼子二親理家政戶庭不出

貞節可風

霍氏張允功妻二十五歲夫亡無子苦守冰節堅貞自夫五十

三歲卒

梁氏韓壽長妻二十七歲夫亡無子隻身度日堅貞自持咸云

貞節可風

趙氏胡金山妻二十八歲夫亡撫幼孤夫志靡他現年六十一

歲

王氏張殿鰲妻二十九歲夫亡遺一子撫孤度日矢志不渝現

年六十二歲

李氏張寶玉妻十九歲夫亡父母意其他適氏堅貞自守日夜

涕泣幾不欲生飲食日減抱病三載而卒於夫墓里人莫不傷感

孟氏劉鵬高妻二十九歲夫亡遺二子甚幼冰霜勵節貞守不渝六十三歲卒

王氏劉文堂妻二十三歲夫亡無子言笑不苟終身守節

陳氏劉鈺妻二十九歲夫亡撫幼孤苦度歲月貞節不渝七十  
三歲卒

鄧氏王廷卿妻二十六歲夫亡遺孤子二家極貧度日維艱苦  
節自持七十二歲卒

張氏王廷相妻二十五歲夫亡夫志守節立堂姪為嗣奉侍舅

姑備極敬謹六十五歲卒

劉氏馬函華妻二十四歲夫亡子女皆無堅守苦節始終不渝  
武氏喬養興妻二十歲夫亡無子守節家貧勤紡績以餬口孝  
養舅姑歷久不怠現年六十二歲

趙氏喬文平妻二十五歲夫亡有遺腹子歷三月乃生奉事舅  
姑備盡孝敬迨子成立事母亦如之人稱節孝萃於一門八十  
歲卒

張氏監生王理堂妻二十八歲夫亡無子女又多病苦度歲月  
備歷艱辛貞節自持始終不渝六十九歲卒

周氏王書潭妻二十五歲夫亡遺幼女無子家清貧勤操作艱

辛備夫志苦守鄉人共稱貞節

呂氏喬鳳仙妻二十四歲夫亡遺一子家極貧族人勸其他適者氏堅同金石誓無他志

楊氏王書銘妻二十歲夫亡立堂姪為嗣事翁姑極盡孝敬夫志不渝人以節孝稱六十歲卒

王氏史振德妻二十五歲夫亡撫孤度日備嘗艱苦節勵冰霜始終不渝現年六十一歲

周氏王廷蔭妻二十二歲夫亡勵志守節永矢靡他七十四歲卒

杜氏王榮奎妻二十八歲夫亡貞節堅守十六歲于歸姑病癱



虞氏曲盡孝道起居飲食必親自奉養自始至終口無怨言可謂節孝兼全

馬氏李榮清妻二十六歲夫亡無子女苦節自守始終不渝七十二歲卒

馬氏賈由安妻二十二歲夫亡無子女夫志守節始終如一五十七歲卒

王氏李學醇妻同治七年馬賊入境學醇被虜永無信音氏年二十八歲苦志守節言笑不苟現年七十七歲

王氏陳在明妻二十歲夫亡貞節自守孝事翁姑歷久不倦撫孤度日備嘗艱辛現年四十九歲

宗氏劉希綬妻十七歲夫亡孝敬翁姑苦守冰節邑紳申請旌表七十三歲卒

李氏劉希貞妻二十歲夫亡子女無與庶母撫養兩幼弟均已成立現年六十九歲

賈氏郭泰妻二十八歲夫亡無子遺幼女二勤紡績親理家政苦守貞節七十三歲卒

金氏劉同功繼妻二十五歲夫亡前遺一子一女撫愛如己出現年五十二歲

宋氏于振祥妻二十八歲夫亡矢志守節侍奉父母備盡孝敬現年五十歲

崔氏劉維屏妻三十歲夫亡夫志守節上事翁姑下撫子女孝  
慈兼盡現年六十二歲

閻氏王東山妻三十歲夫亡撫幼子貞節自守侍奉翁姑備盡  
孝敬鄉人皆稱之

傅氏文童王九卿妻二十歲夫亡無子矢志守節過胞姪自振  
為嗣光緒十六年申請旌表

張氏胡書文妻三十歲夫亡遺三子事親竭力治家有法苦節  
自持始終如一現年五十二歲

張氏張吉典妻年十七歲夫亡子女皆無家貧親老勤紡績以  
盡孝道嗣子又亡與孀媳撫孤孫艱辛度日現年五十一歲

劉氏陳景歐妻二十九歲夫亡事翁姑竭盡孝敬撫二女教以禮義七十二歲卒旌表

撒氏柳朝閣妻二十七歲夫亡撫遺妹育幼子堅貞不渝鄰里賢之

李氏劉文德妻二十九歲夫亡上事祖母下撫子女孝慈兼盡貞節自持內外經理人無間言

劉氏郝廷林母夫亡氏二十歲矢志守節事翁姑孝撫幼子慈苦節四十餘年

鄧氏陳毓妻二十三歲守節家清貧事姑至孝現年六十三歲劉氏庠生胡鍾藻妻二十五歲守節六十八歲卒已蒙旌表

楊氏胡武城妻三十歲守節七十二歲卒已蒙旌表

王氏胡連登妻二十七歲守節七十歲卒

梁氏胡澄瀛妻二十二歲守節現年五十六歲

張氏胡芳桂妻二十八歲守節已蒙旌表

高氏胡世賢妻二十三歲守節現年六十五歲

張氏杜奮武妻二十三歲守節

楊氏杜宜庭妻二十六歲守節

楊氏杜宜琛妻二十九歲守節現七十七歲

解氏杜宜官妻二十一歲守節現六十歲

呂氏杜海清妻二十三歲夫故氏撫幼子訓教有方堅苦自勵

井田自操數十年如一日現六十二歲

張氏何寶珍妻二十二歲守節現五十八歲

董氏張其魯妻已蒙旌表

王氏張其泰妻已蒙旌表

李氏張際奎妻已蒙旌表

牛氏李秉陽妻已蒙旌表

孫氏王應明妻二十三歲守節現六十六歲

韓氏監生李學聖妻已蒙旌表

王氏李金庭妻十九歲守節現年六十三歲

張氏李延慶妻已蒙旌表

馬氏張其德妻已蒙旌表

呂氏李秉潔妻二十五歲守節七十歲卒

陳氏石光壁妻二十二歲守節現年六十四歲已蒙旌表

張氏李通生妻二十歲守節

姜氏張利之妻二十五歲夫故宣統三年旌表

王氏李芳春妻二十八歲夫故無子以姪為嗣孝事翁姑教子

成立年五十七歲卒

李氏王鳳章妻二十三妻夫亡安貧守節教子有方現年八十

八歲孫曾滿堂已蒙旌表

郭氏劉景章妻已蒙旌表

趙氏劉震之妻二十七歲夫亡無子矢志守節孝事翁姑現年七十歲

張氏庠生王楓林妻已蒙旌表

張氏趙廷楨妻已蒙旌表

陳氏李城春妻二十八歲夫亡有子七歲安貧守節紡績度日現年五十五歲

張氏賈希獻妻十七歲夫故孝事翁姑堅志守節現年四十八歲

劉氏張榮妻二十九歲夫亡撫養幼子堅志守節五十八歲卒  
范氏劉長珍妻二十六歲夫亡無子堅志守節現年七十九歲



胡氏王靜山妻夫亡守節已蒙旌表

張氏霍立業妻二十五歲夫亡無子女矢志守節始終如一現年六十一歲

王氏胡鍾芹妻二十五歲夫亡遺一子撫養成人孝事翁姑矢志不渝現年五十五歲

李氏張同興妻二十四歲夫亡矢志守節事姑最孝一生恬默寡言始終安命從無怨尤鄉鄰皆稱贊之已蒙旌表

王氏孫振甲妻年十九歲于歸甫九日夫亡氏矢志守節冰清玉潔善事孀姑當姑病氏親侍湯藥合衣而卧者十餘月未嘗稍懈常仰天暗祝願以身代又許以病愈三冬不著棉衣後姑

病果愈人咸謂孝心所感焉已蒙旌表

胡氏蕭萬成妻二十一歲守節孝事舅姑撫孤成立娶媳而亡  
又撫遺孫以至成人撫孤成立家道漸興現七十五歲

王氏齊學虞妻二十二歲夫亡遺一幼孤家清貧無計求生氏  
躬親紡績撫養孤子成立七十七歲卒

柳氏齊鳳祿妻二十二歲夫亡矢志堅守孝事翁姑嚴訓孤子  
鄉人皆敬服焉

王氏齊玉璞妻二十一歲夫亡堅志守節事親撫孤孝慈兼盡  
苦節著於鄉里現五十六歲

王氏齊運昌妻二十八歲夫亡矢志守節家貧紡績度日撫孤

成立現六十四歲已蒙旌表

蕭氏武生齊峻榮妻二十六歲夫亡無子以姪為嗣未幾姪又  
亡孫媳趙氏亦俱亡遺一曾孫尚在襁褓氏躬親撫養心力交  
瘁八十三歲而卒

王氏齊德貞妻捨匪之變德貞遇賊陣亡氏年二十四歲所遺  
孤子甫四歲氏居貧守節艱苦備嘗後撫孤成立蒙道漸興現  
七十五歲

李氏李錦堂妻二十三歲夫亡無子矢志守節現年六十二歲  
劉氏庠生王鴻鈞妻二十六歲夫故撫育幼子矢志守節現年  
六十歲

馬氏生員王葵堂繼妻二十七歲夫亡無子惟遺一女家貧苦紡績度日矢志不渝六十二歲卒

李氏生員王蔭翁妻二十五歲夫亡遺幼孤家無斗糧勤紡績以自給冰霜自勵現年五十六歲

王氏郝芳田繼妻二十二歲夫亡無親生子撫養前孤愛如己出事姑曲盡孝養始終不渝宣統三年旌表

田氏王貫一繼妻二十六歲夫亡撫幼孤家極貧晝拾柴夜績紡易旨甘以養姑守節不渝人稱節孝兼全現年六十六歲

劉氏文童王檢深妻十九歲于歸越一載而夫亡無子立堂姪為嗣苦守貞節人無間言現年四十九歲



慶雲縣志卷之三

風土志第九

民俗

好經術矜功名舒緩闊達而足智

漢書地理志

人情朴厚俗有儒學

文獻通考

俗多織作士務功名習尚淳厚民皆務本

明一統志

好經術矜功名務農桑崇學業文物彬彬而豪悍之習自若

畿輔

通志

農桑為先詩書為要民淳訟簡不事浮華高尚氣力佞信佛教  
嫁娶必論氏族若不相當雖貴且富不通婚姻其締姻者屢世

親恤頗有厚道

舊志

士以出入衙門為恥

舊志

士恥奔競畏清議民力稼穡輕末作無逋賦無囂訟尊吏畏法  
有三代遺風然氣習剛勁不苟屈於人

地無美材工無奇技商賈無專業

冠禮久廢

### 婚禮

行媒結婚男家投啟女家女家答啟曰通東其期必用雙日將  
娶折柬請女家擇吉定期後以帖吉女家女家受之曰送聯門  
帖及期前一夕新壻衣冠先謁家廟次行家人禮然後乘肩輿

至戚族門拜謁戚族厚者是夕至娶婦家曰看新屋壻往親迎  
用伴婆一人曰娶女客士族用女僕農家以戚鄰之老嫗為之  
女家送女並同曰送女客至女家設酒筵款壻浼兩人限壻即  
送女曰送客女家一夜不眠早起日出壻入行奠雁禮先是壻  
家送禮物女家曰到門禮女家皆受留少許押回即迎歸及門  
置馬鞍新婦輿前新婦降輿履鞍手捧膽瓶取平安之義富家  
用女賓二人迎新婦以棗糕進新婦曰哺糕農家第用二伴婆  
為之即扶婦行新婦履紅毡至庭立右側壻拜天地訖將入戶  
或姑或壻用秤杆啟新婦頭上紅巾曰挑蓋頭入新房行合巹  
禮女家具餃麵為餽曰送小飯二日送穀饌曰大飯新婦進枕



履巾囊諸物於舅姑曰送針線合家大小及戚族近者皆送三日夫婦同謁家廟展墓至戚族拜謁曰拜三三日後婦歸母家曰回門往四日來八日曰四平八穩往九日來十日曰九子十成皆取吉語壻多不往間有往者亦不久留婚禮之大畧如此市井人間有以錢代采禮者

近日貧家多不親迎女家自往送或壻在近村迎之

### 喪禮

初喪哭踊披髮垢面設靈牀覆單衾曰小殮入棺曰大殮大殮在次日三更後方合禮

盛暑日可不拘

設靈位上食訖報親友受吊唁

孝子啜粥寢苦枕塊服衰麻素冠扶杖哀至則哭卜葬先期具

東報親友立木主題銘旌及治喪禮賓四人相禮親友具牲饌  
帳聯為奠賻用錢葬前一夕延鄉之貴者為噫歎官拜獻讀祝  
侑食噫歎如儀及發引孝子持紙幡告於廟祭喪輿輿既舉子  
若孫及兄弟之子均以布挽輿行族人戚友步從眷屬輿從途  
中設奠者曰路奠設棚帳盛陳玩好牲饌者曰路祭至墓者曰  
塋祭先期求德位尊者一人至塋對柩題主者曰大賓又一人  
祀土神曰祀土官既會葬親友行禮畢安葬壙中或用灰槨或  
用木棺磚墳不一下誌石安明器下棺覆銘旌葬畢孝子抱主  
歸入廟設奠曰安主大畧皆依通禮行惟初喪及前二夕孝子  
謁城隍廟焚紙錢招魂第二夜門前向西設祭焚紙車馬僮僕

等物曰送路每七日哭奠至七七而止多惑於浮屠之說為不  
經耳昔有延請僧道伴坐談經行香者近日此風已息至請尊  
官以朱筆點主亦屬陋習識者譏之迄不能革

又靈車未行請貴官行禮曰出門奠葬後孝子抱主歸途中設  
奠曰回靈奠皆吉服有頂戴者行之到門主人布几筵盛設殺  
饌延貴官行禮曰迎門奠二者似屬添設然皆寓鄭重之義

喪分新舊不停柩即葬者曰新喪遠在百日近在一月擇日安  
葬至期挽親友理事葬後兩三日折東延客曰請謝酒

前時皆不至今

多有停柩再葬者曰陳喪於初喪後即擇日受吊親友俱至曰  
至者停柩再葬者曰陳喪於初喪後即擇日受吊親友俱至曰  
做七其儀大半如喪禮其期約在一月之內及卜葬有期折東

延親友理事曰請告白

須皆至不至  
即為不允

葬後仍請謝酒

案謁城隍廟焚紙錢及第二夜送路即禮記復之禮亦升屋招魂之意

### 祭禮

紳士家重忌日齋戒設祭時祭多從俗春則清明夏則麥熟時  
荐新秋則中元冬則十月朔豐儉隨家有無俗重拜墓元旦清  
明中元十月朔忌日皆然

巨族皆有祭田一歲所出歸一人承辦及期少長咸集先拜墓  
回謁家廟行禮然後序齒宴飲共享祭餘敦宗睦族莫要於此

### 賓興

諸生應鄉試縣令擇吉具啟設席宴待預架彩橋宴畢餞送升橋鼓樂送行橋上一婦人象嫦娥手執桂花一枝一男子象魁星手執筆斗作點狀下橋時有飛馬呼報解元者三一人作狀狀曰解元在何處應曰在慶雲

送學

文武童生取中回籍後鼓樂前導縣令送詣學宮謁

聖畢至泮池前縣令率統三匝然後至明倫堂與學官交拜令新進諸生童拜見學師入學肄業

鄉飲

鄉飲禮正月望十月朔在明倫堂舉行紳士之禮年高德邵者

為賓次為介賓又次為衆賓或以致仕官為僕以教官為司正以諳練生員贊禮主延賓入司正揚解廩生讀律令賓主獻酬拜送如儀

揚解詞云恭維朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄弟恭內睦宗族外和鄉里無或廢墜以忝所生

### 歲時

立春先一日官長迎春東郊老幼趨觀屆日鞭牛市民爭取是日頒芒神土牛曰送春食春餅小兒放風箏孟月朔日早起祭天地祖先拜尊長親鄰交相拜賀展墓是日清明無風占歲吉

人日息燭上元前後三夜沿街張燈祭孤魂村女請紫姑卜休

咎

前志男請五祖教拳棒近日此風已革或請石秀才以卜事

十六日男女出遊或登城曰

走百病二十五日填倉日早起以灰闌地作囷形中置五穀少

許覆以磚

是月親鄰戚族互相宴會曰請年茶五日為月忌車不出行前

十日為五穀及諸物生日以陰晴卜其豐歉九日玉皇聖誕婦

女西山燒香十五日夕食浮圓子皆自作無賣者燈節後塾師

擇日入學

仲月二日曰龍抬頭農家以糠引至井以灰引至家水甕間曰

引龍眯爽擊炕日避毒蟲春分移接花木割蜜

二日擊炕語云

二月二日打炕沿蝎子蚰蜒不見面  
二月二日打炕頭蝎子蚰蜒全不留

農家以菜作團曰食龍蛋用麩作湯餅曰食龍鬚是日土地聖

誕縣治多演劇

季月清明上墳前數日以土添墳壓紙錢女停針簪戴柳圈作

鞦韆戲牛忌用磨有風主旱穀雨放蠶

是月桃杏花放士民結伴遊玩兒童吹柳管十五日男女電泉

廟燒香

孟夏始鋤田

五月十五日婦女西山燒香二十八日藥王廟燒香是月西山

廟會商賈駢集



廟會昔曾延至六月今仍復在四月十五日四方人來燒香有遠在百里以外者藥王廟則惟近村婦女

仲月五日端午節食黏粽子飲雄黃酒以五色絲繫小兒足門窗插艾懸紙符餽節儀採藥草是日雨生蟲芒種割麥嫁棗樹五日邑俗不拜賀惟官長互相投刺而已是日婦女作各綵符或人形或物形頭上戴之農家採棗柳葉作茶

季月六日曝書晒衣是日雨殺蟲初伏日食麩雨王旱二十四日賽關帝

前此邑千佛殿中藏經萬卷是月六日村中老嫗入城晒之多晒經會道光二十一年寺僧悉焚其經至今無一存者然老嫗

之功不可沒也是月多飲大麥茶或磨為麩以糖和之曰食炒麩皆避暑氣

立秋棉花去心

孟月七夕乞巧十四日祭祖以五穀荐新辰墓十五日放河燈

祭孤魂

食新穀 俗語云七月七搗穀喫 棗半紅 又云七月十五半紅棗

仲月朔日田家作黍糜曰來風糕調豆豉是日雨主旱 俗語云八月初

一下一陣早到 來年五月盡 十五日親友相餽遺是夕月餅瓜菓祭月或聚

飲農家祭土穀曰青苗社白露種麥秋分打棗中秋節亦不拜

賀是夕有雲卜明年上元有雪 俗云八月十五雲遮月正月十五雪打燈

季月九日重陽士大夫登高

是日染匠祭缸養菊者以盆菊相餽遺立冬西北風主來歲稔  
孟冬月朔日祭墓剪紙為冥衣焚之曰送寒衣

前此是月亦西山廟會商賈駢集今延至十二月是月二十五

日一天陰晴卜一冬寒暖膏皮服者以此日定價低昂

俗語云  
一天陰

一冬溫一天  
晴一冬冷

仲月冬至拜冬窖菜

冬至天氣好主九九天氣好是日塾師有下學者季月八日以  
黍棗為粥曰臘八糕塾師放學女穿耳二十三日祀竈以錫此  
後多嫁娶焚歲掃舍貼門聯門神除夕祭祖先迎新竈神設位

祭天地諸神放爆竹懸照田燈門前各甃柴呼牛曰年辭歲家  
讌

月初官家頒憲書地保送竈神自二十三日市多節物曰年集  
二十六日市中諸物俱備人聲如沸賣肉者不禁私宰曰亂市  
二十八日亦然親友相餽遺三十集名窮漢集月小則二十九  
日除日請神舉手燃香出門各向方位一揖而回有通宵不睡  
者曰守歲院撒芝蔴糝以待神行竈內燃巨木曰樞歲

物產

邑地濱海土瘠鹵城北窪下西膏腴東赤壤南白墳五谷俱備  
約可分為八類曰穀曰蔬曰瓜曰菓曰木曰花曰草曰藥動物

約分四類曰禽曰獸曰蟲曰魚各為列表如下

名稱分類

# 植 物 種 類

						玉穀	脂麻	玉蜀秫	稔子	蕎麥	豆	稷	黍	小麥	大麥	蜀秫	粟	穀
苜蓿	胡蘿蔔	秦椒	茴香	蒜	蔥	蓬	蒼	芹	葛苳	原荑	苧蒿	菠稜	韭	芥	蘿蔔	蔓菁	松	蔬
					木瓜	金瓜	蠻瓜	壺蘆	冬瓜	脆瓜	柏瓜	絲瓜	瓠	甜瓜	西瓜	南瓜	黃瓜	瓜
			桑椹	酸棗	葡萄	蒟蒻	石榴	李梅	杏梅	梨菓	秋沙果	林檎	梨	李	桃	杏	棗	菓
						花椒	荊	杜	柏	椿	桑	柘	槐	榆	楊	樗	柳	木
木槿	馬櫻	海棠	丁香樹	江西臘	轉枝蓮	秋丁香	牽牛	雞冠	玫瑰	西藩葵	金盞	僧躑躅	千日紅	滴滴金	鳳仙	蜀葵	菊	花
老少年	萍	苔	蒺藜	羊蹄草	當	茶	莫	扁蒿	鹽蓬	蒼耳	地膚	藜	莎	蓬	馬蘭	蒿	茅	草
老鴉嘴	茵陳蒿	杏仁	桃仁	鳳眼草	地骨皮	枸杞	翻白草	牽前子	蓖麻子	蛇牀子	艾	益母草	小薊	大薊	土地黃	蒲公英	紫花地丁	藥



名稱分類

# 動物種類

鷓鴣	鷓鴣	山渣渣	鴨鴉	阿濫	黃雀	伯勞	桑扈	倉庚	鷺	鷹	脫却布袴	戴勝	鴛鴦	鶻	烏	雀	燕	鵝	鴨	鷄	禽	
			鼯鼠	田鼠	兔	狸	獾	狼	鼠	狢	狐	貉	犬	豕	驢	馬	驢	羊	牛			獸
蟻	尺蠖	螻蛄	曲蟮	蚰蜒	蛇	蚱蜢	鼠婦	蠋	蟋蟀	蜘蛛	蜥蜴	守宮	蟻	草蟲	促織	蜻蜒	蝶	寒蟬	蟬	蚊	蠅	蟲
						鯉	鱖	鮫	鮎	蝦	鱔	鱖	鱖	鱖	鱖	鯉	水蛭	螺	蛤	蟹	魚	魚

鳥系

動物表

乙二



附記

# 表

# 覽

一

																			大頭郎	喬	鶴	鶴	
金蟲	花牛	蝨斯	蟹螯	螳螂	蝙蝠	蝥	蛾	蠅	蠍	沙鷄	蟬	蠹魚	蟾	肌球	水馬	蚪蚪	蝦蟆	蟾蜍	蛙	蜂	站	蜥	

頁 四

災異

北齊河清二年滄州及長城崩下生毛或白或黑長四五寸

唐元和八年水潦浸無棣等四縣

開成元年蝗食草木葉皆盡五年蝗蝻害稼

後周顯德元年河決東北破伯禹古堤浸注齊棣間遣李穀按視堤穴役徒六萬三十日而畢

宋太平興國二年遣大將李崇矩行視滄棣岸堤之缺亟繕治之民被水災者悉蠲其租乾興元年鹽山無隸二縣海潮溢壞公私廬舍溺死者甚衆

元至元二年大水免田租之二十八年靈雨害稼十九年蟲食

桑葉免田租之半

至大元年饑詔有司贖饑民所鬻子女三年蝗大饑有父子相食者

至治二年大雨五十餘日免田租之半

明洪武二十四年簡河水溢害稼

成化七年黑青為厲民間閉門戶喧鉦鼓夜不敢寢有物恍惚  
隱黑霧中近人多被爪傷秋大雨乃息十七年春饑遣庶吉士  
張謹賑貸之全活甚衆夏不雨麥盡枯秋霖潦傷稼免夏稅十  
之七秋糧十之五嘉靖四十年連歲大旱詔以部銀五千兩賑  
貸四十二年蝗民饑流移十之三

隆慶元年正月元日夜大風雷震望日雷再震二年正月縣多  
火災五年秋雨傷稼知府丁誠發粟二百石賑之

萬曆四十二年大旱人相食羣聚為盜

天啟二年海溢

崇禎十二年兵變十三年大旱十四年大饑人相食五月雨雹  
傷麥人多疫死十五年兵變十六年六月守城刀鎗有火光除  
荒地千餘頃死絕逃亡一千八百餘丁十七年三月十九日李  
自成陷京師二十八日偽知縣馮任至縣下學是日無風大成  
殿前老槐折損一枝大一圍長丈餘

清順治五年正月土寇破城知縣張必科死之

七年秋荆隆口決河溢陸地行舟十年秋黃河決邑大水蠲稅糧之半 十五年饑賑

康熙三年四月末隕霜至八月不雨蠲稅十之二

六年六月十七日戌時地大震是年水蠲稅之二

九年旱十一年旱蝗俱免稅十之二 十二年三月十二日夜

異風樹葉枯十八年七月地大震

二十二年地震 三十年三月十六日地震

四十一年饑賑粥 四十二年霖雨三旬不止河水泛溢 四

十三年大饑免地丁銀米賑粥 四十九年蝗 六十年四月

七日忽大熱棗樹自焚數百株 六十一年五月五日晝大風

雨雹拔樹

雍正三年滂蠲賑 五年修護城堤城下地中有風聲三晝夜

乃止 八年八月十九日地大震 九年水蠲賑

乾隆八年九年大旱前後賑米三十萬發帑金一萬三千九百兩為民穿井種樹給半種減額稅三分永著為令 二十七年

水饑 三十三年蝗大水 三十六年二月大風夜有火光

七月十五日地震 三十七年八月十七日大雨夜有異風拔

樹無算 三十九年旱饑蠲賑 四十一年蝗八月大雨雹

四十二年蝗 五十四年八月大雨烏雀死者如積 五十五

年水蠲賑 五十七年大旱四郊赤地蠲賑

嘉慶十年閏六月六日大風拔木 十五年五月八日大風電

拔樹無算 十六年大風晝晦秉燭秋彗星見先犯紫薇 二

十四年十二月十八日大雪平地深數尺晨起門不得出人多

凍死者 二十五年七月二十五日天鼓鳴

道光元年五星聯珠七月大疫人死無算葬無棺以蓆代之

四年五月十日大雨雹禾麥俱覆樹葉脫 九年十月二十三

日夜地震室中金石之器皆鳴牀為之側 十年四月二十七

日戌刻地震 十二年大旱七月十一日乃雨民始種田戶多

逃亡海溢潮水至嚴家務 十七年十二月二日大雨如注溝

澮皆盈 二十年六月大雨經旬廬舍多倒陸可行舟行人幾

斷秋七月白氣亘天 二十二年有白虹亘天長數丈 二十  
六年大水民不聊生 二十九年六月二十九日大風拔木  
三十年六月二十九日復大風

咸豐三年九月二十五日粵匪攻臨滄州邑人震驚紛紛遷徙  
六月三月天雨黃土 八年秋彗星見光長丈餘 十一年夏  
旱黃瘟流行人多死者

同治元年日月合璧五星聯珠二月二十六日申刻怪風起黃  
沙湧天晝晦冥相對不見六七月大疫人死無算七月十五日  
戌刻流星無數如萬弩齊發向西南而下 二年正月火星見  
大如斗自東南而西北隱隱有聲七月火星落大如盂 四年



春大白經天 六年十一月十四日梟匪攻陷鹽山邑人驚備  
十六日南村團勇至海豐大莊合官兵追敗之 七年四月十  
日擒匪破城至六月賊往來數回男女死者三千餘人民多築  
寨自守 八年因擒匪之變免同治七年以前之租復賑米二  
千一百餘石 十年七月下旬霖雨害稼廬舍傾倒 十一年  
蝗不為災風雨調和頗稱樂歲 十二年大有年百室皆盈後  
六月中旬兩夜有火光

光緒二年大饑民掘野菜食樹葉牲畜宰殺殆盡蠲賑三年大  
饑人多逃亡有餓死者蠲賑 四年春饑賑鄰邑多鬻婦女者

五年五月十二日寅刻池水溢似被搏激陝西四川是日地震

六年地震 十九年七月黃河決水入境民房倒塌禾稼全湮  
邑南受害者二百餘村惟高津河北未被水患 二十六年六  
月申刻有斗大藍環滿天流行 三十年正月初一日午刻九  
環繞日

宣統三年二月初九日戌刻火球見自西北而東南黑雲隨之  
聲如雷





